

鄧氏家譜


西泠頭卷

鄧氏家譜

中華民國庚辰年八月修

宗文奕州源流

流



建邑集文堂梓

## 八修宗譜序

嘗思木本水源古有創業垂統爲可繼之語是知凡爲子孫者對於家乘不可以不繼續尤不可以不勤修此古今來金枝玉葉爲我華胄民族不易之論也况年長歲遠祖德宗功亥豕難稽時異勢殊魯魚莫辨藉非立譜以重修之其統系支派與夫芳躅偉業又安由以追溯其源流哉故宗譜之作所以擬事直

書當時事實亦所以啟發後進之興奮  
若乃敦倫立品卓行嘉言尊祖睦族之  
文整飭紀綱之則本局八修裔孫雖丁  
世衰道微鳳毛麟角罕覲然而歷觀前  
代譜牒輝煌典型世守概屬不愆不忘  
可云盡善盡美倘克存羊豢禮恪遵勿  
淪本斯血統宗親統一意志嗣後立功  
立言精神事業正未可限量曷止世修  
其譜之謂乎無奈清末民元朝南暮北

天災人禍紛至沓來甲辰七修後乃一  
蹉跎間已三十有七載矣茲者時機不  
再重修譜事詢謀僉同於是西源嶺下  
下渠三坊仍舊合修西源宗祠舉定職  
員數名因時制宜委蘭亭兼攝合局諸務  
郎於仲夏開局印刷孟冬告厥成功原  
譜率由舊章並未擅行損益所增者不  
過三十年間生娶卒葬而梓正公房  
草譜前因兵燹殘失錄者郎之疑者闕

之祇因抗戰建國時期中日交迫物質  
缺乏關係生活日用程度甚高而米珠  
薪桂力求簡便儉約猶達開支法幣六  
七百元眾等不學無術勿克爲譜牒光  
幸荷祖德默相忝屆譜牒重新聿觀告  
竣誠合族之盛事也復願後屆賢哲善  
繼善述箕裘永紹俾符先人一世一修  
之訓誠庶幾事在人爲有志竟成擴而  
克之光前裕后穀而不替亦意中事耳

詩云孝思子曰再思是序

中華民國念有九年歲次庚辰小春月吉旦  
合局職員喬孫拜撰





# 雍正壬午年原修宗譜

福綏公續譜原序

太極始生乾坤定位乾曰大生坤曰廣生五行變化滋生萬物生生而不可已者始基之也則寓形宇內皆當知其所始矣况人爲萬物之靈卓然覆載之間祖宗本始之地顧可不知乎然果何以知之也以有族序之譜在夫譜者所以明一本也所以辨各支也所以啟後人之孝思所以聯子姓之情誼且可俾億萬世後按譜而昭穆凜若名號朗然排行稱謂之間不至以卑而踰尊以後而同前也此皆尊祖敬宗之念而先人靈爽實憑依焉審是則族譜之設其所係不綦重哉雖然譜固不可以不立也而尤不可以不續蓋前人不立則無以傳後人而後人咎之後人有譜而不續將使後人而復咎後人念及此則凡孝子慈孫不忘宗功祖德而思爲承先啟後之人其續譜有必然者我鄧氏之族由來久矣自昔殷鄧侯之後以國爲氏至漢而益盛迨我始祖植公祖系建業值唐末藩鎮之亂屢有遷避至公於後唐初仕閩巡撫邊疆以廉能見稱後累功封大將軍鎮守杉關

及長興癸巳四年閩王僭稱帝遂不仕徑隱居張羅坑水竹坪旋卜築西源居址優游林下創立基業爲子孫長久計是 植公爲我西源之一世祖也後熙寧紹興間人烟繁盛基址窄狹各思擇地以遷遂相繼紛紛移徙若富口湛口拿口梅口依口初口者今皆成巨族考諸原譜序雖係式玉式毅公各支之苗裔亦無非 植公之支派也惟我祖 晚公一支則自 式金公以後世守礫口西源亦頗稱蕃衍而今之谷口長嶺則又其後所分遷之派矣逮元世中衰族眾或以盛餘難繼或以式微日促有數傳而止者有不數傳而止者或流離或播遷幾致村坊寥落人烟蕭條幸得 成長公立志奮興克振前業爲一坊砥柱暨 子良公父子本忠厚遺俗儉樸自安憂勤惕厲以不墜家聲而子孫復熾於斯焉慨自 晚公以來迄今六百餘年矣原立舊譜經年久遠 成長公於洪武六年蒐輯 晚公以上所存舊帙將西源本支一脉自 植公遞傳次第詳爲編述而前代盛衰播遷之事亦畧見譜序其於支分派別遷居散處者則俱未編入雖歷代全族未經悉載似屬一家私乘抑亦可爲後人追本尋

源之一助也噫斯譜於明季鼎革擾攘之秋人民逃避草樓穴處致  
雨潰風殘繼復不善收藏蠹生潢紙予每小心揭開辨認細詳謄錄  
始覺完備無闕顧自二十一世 子良公以後竟不復增續檢閱之  
下殊覺悚然予叨祖宗餘慶名列膠庠雖未能大顯前人而續譜之  
任義不容辭於是乘暇搜尋 子良公後家冊將世代相承之序續  
集成譜以示來裔俾知本源之所在亦如天地之生生而不已也尤  
望後人頻爲繼修則斯譜可永守而勿替矣自茲以往凡我雲初子  
姓雖有枝分派別之殊勿忘一本同源之誼當雍睦仁厚毋乖戾悖  
逆斯足以貽前人之令名爲後代所儀式更期光顯祖宗增榮譜牒  
庶幾善繼善述而無負續譜之意云爾



# 乾隆辛卯年三修宗譜

定京公原序

大凡有族必有譜譜者所以明本始序昭穆也譜之所係豈不大哉我族自始祖 植公以來歷代雖有草譜未經梨梓我祖 士騰公及先君兄弟均有志而未逮前歲己丑通邑修誌族叔尊玉謂予曰邑中修誌 植公原載誌書而其坟塚與 晚公建安仁寺缺然弗載汝輩讀書竟置先人事於不問烏乎可於是遍告族人舉欣欣然曰此誠善舉也於是幫銀入誌而 植公坟塚 晚公安仁寺俱載諸誌矣繼而尊玉叔又曰 植公 晚公入誌固善但我族分居各坊倘不總聯一譜何以示諸雲初汝等曷可憚厥賢勞置之度外定京等承命復謀諸族眾舉欣也然曰此吾族之正務也疇敢吝錙銖以貽不孝譏遂各踴躍捐資擇十月十六於長嶺宗祠開局及舉予數人錄集原譜增編近派數十代支分派別原原委委然後付諸梓人予不敏年老力衰幸有鵬鴻二弟學力精神俱到直任其事纂而成之雖不敢曰盡善盡美而俾後世子孫觀覽之餘知自始祖

植公以後某屬某祖某屬某派昭穆序而支派明庶人知尊祖人知  
睦族不愧我磬口一族也云爾

# 乾隆辛卯年三修宗譜

鴻公原序

古者司商協姓其後支庶各別爲氏載武宣穆以字氏者也司馬司  
寇以官氏者也至若太公氏呂太伯後氏閻以及晉畢萬之後氏魏  
則又氏以國焉鄧之得姓自商武丁封叔季於鄧後遂以國爲氏著  
于春秋魏叔子云人事十年一變三十年爲一世世凡三變矣自商  
至今三千餘年綿綿延延以至今日不知其百千變也欲從厥初而  
遠溯之吾恐兵變幾盡難存什一於千百卽間有存者亦魚魯莫辨  
昔尼山刪書斷自唐虞用黜荒渺之談得是意以紀世族藉明凡以  
所知者爲始程子以始遷祖爲祖誠慎其所自出矣吾家由牛民之  
始至五代而植公始遷泰之北鄉派衍支蕃西源嶺下其一也長  
嶺其一也岐林又其一也先是長嶺祖九公九公者凌雲也植公  
十五代孫也兄弟十有餘人凌雲行九因尊之以九公夫先王之制  
禮也五世以外生者親盡則服止死者親盡則廟祧蓋勢之所窮義  
於斯而止然推而上之至於古則同祖更推而上之至於天則同親



人道莫大於親親由親親而尊祖而敬宗而族可睦矣今族眾皆知  
慕義慨然有志於譜系之修誠盛舉也而吾以爲譜者合千百人如  
一人千百世如一世倘誤先世之名號混宗支之流派與夫文獻坵  
墓雜錯而鮮實是又與於不修之甚者也我譜成而昭穆煌煌尊卑  
秩秩芳規遐躅靡不詳明以昭茲來許而因國立姓因姓立宗之義  
於是乎在後之覽是譜者孝弟之心油然而生又何至一本九族倫  
誼蔑如也哉是爲序

# 乾隆辛卯年三修宗譜

鵬公原序

嘗思宗者總也譜者普也一族之世系名字懿行芳踪莫不紀載是始宗譜之所由名歟夫人以一本分爲九族衍而愈蕃遠而愈疎行路秦越之視蘇氏所云滋懼者也噫世固有攀援巨族託附名賢如崇禰肩乎汾陽張說祖於九齡雖遙遙華胄識者胡盧而彼且以爲譜乘之光若我始祖 植公自唐末及五季至今八百餘年碑塚依然祭醮弗替固非肩瀆者比矣然其間支分派別後先遷徙不一而足藉非宗譜以聯之雖同宗共祖而世遠年湮文殘獻缺亦將探茫茫而索渺七百千世後其能知某也某某祖某也某某宗歟予有志是舉益非一日幸而族中諸老成先得我心慨然纂修僉舉董首因材任職予亦幸從諸兄以襄厥事因爲之做五宗九兩遺規吊之以圖系之以牒凡世系墳塋年月事實一一本成長公靜遠公原纂譜集而詳者從詳畧者從畧未敢憑臆修飾以負咎於先人滋疑於來許也然我族自 植公以來宗支蕃衍異地散處勢難聯屬茲惟與

長嶺岐林合纂者以其爲我 晚公一脉之分派也若南山谷口雖  
屬崇德公後裔而裹足弗前則譜牒未吊要非故爲畧焉第念是役  
也族長尊玉叔倡議於前族中英傑輩贊襄於後而予與百川兄羽  
天兄分司纂輯矢慎矢公閱兩月餘始付剞劂庶他日按譜而稽知  
夫宋元明以及

國朝其間世系相承譬諸千枝萬葉同由一本分派岐流共出一源而孝  
友維睦之心油然而斯行路秦越之弊亦從此免所謂總莫總於是而  
普莫普於是矣若夫 植公 晚公諸先祖原委則有 晚公與成  
長公所述及靜遠公序在言之甚詳更不俟予爲秉筆覩縷焉爾矣

# 嘉慶甲子年四修宗譜

文熊公原序

乾隆辛卯冬我族開譜局於長嶺祠堂修自始遷祖 植公以下西源  
嶺下長嶺三坊支派宗譜當時董其事者爲長嶺百川公而西源莊  
園公從叔愚庵公秉筆焉文熊時年尚幼與從兄調元步韓校字其  
間不敢有所議論今三十四年矣諸老成皆已凋謝而修譜之任族  
人屢以相屬且族祖 白雲公南山支派亦有合修之志因不敢辭  
翳維我族有譜自明初 成長公輯始後二百餘年 靜遠公始再  
輯焉至百川諸公凡三修矣前此相去久遠考核維艱故多缺畧百  
川諸公之修去 靜遠公未久然大約近四五十年今僅三十餘年  
耳搜輯較前人爲易然前此之修致爲謹慎不濫攀貴族不妄逞臆  
見不苟爲評贊今茲之修固亦不敢與前人異意也顧念鄧氏自五  
代後唐時遷秦以來將近千年族亦繁衍竟無顯名於當世者卽發  
科亦惟南會榮公一人豈先人之澤有待而發歟抑地處偏僻未能  
以振興歟夫太上立德其次立功立言如漢 高密元侯

西華惠侯及明 衛國武順公之大其世者其豐功偉烈固赫然在  
人耳目而其德之盛讀史冊者可考而知也若左丞之列於十賢潛  
谷之潛心著述又豈在名位乎哉今我族之俊彥不乏矣誠有以自  
奮而志不朽之道則所以大我植公之世胄以光其譜牒者知必不  
異於前人矣

# 嘉慶甲子年四修宗譜

盛紀公原序

紀嘗習青鳥家言窮山之祖究水之宗竊謂人之有祖與族之有譜  
牒亦猶是焉蓋山之祖祖於崑崙彼其氣脉綿亘自五嶽而下凡岡  
陵邱阜皆其分支焉水之宗宗於大海彼其振納眾流自四瀆而下  
卽溪澗沼沚無不滙歸焉人之有祖如山之有崑崙而族屬繁衍系  
之以譜牒卽何異水之滙於海哉我始祖 植公初以閩王奉詔命  
鎮守杉關後遂隱居卜築西源自是瓜綿椒衍因有七口之分迄今  
聚族而處不可勝紀矣而遠近子姓能不失其世系者以譜帙之修  
前後有人也我族譜自明初至 乾隆辛卯凡經三修辛卯修譜時  
紀曾與執事焉今更一世矣而族人復有是舉予喜族人之不忘其  
祖以合其族而承先志也因爲卽山水之義而序諸譜之首

# 嘉慶甲子年四修宗譜

文熊公原序

立宗以合族古禮也後世宗法不立然建祠修譜亦有合族之道焉  
蓋無所統會則分有所繫屬則合子姓之繁衍至於不可紀極原其  
初一人耳由一人而兄弟由兄弟而族屬而至不相識其勢日分非  
譜以繫之祠以統之幾何不等于路人哉南山始祖 白雲公與西  
源嶺下祖 彩雲公長嶺祖 凌雲公爲同祖兄弟實十三世祖  
崇德公孫也宋時遷居南山以離祖居稍遠遂與族人隔雖前代世  
系源流可稽然譜不合修則誰昭誰穆不得而知非其相契亦途人  
視之而已矣 嘉慶癸亥予館龍池寺與族叔而安先生過從往來  
適我族有修譜之舉先生因與議合修焉族人皆以爲宜由是辨世  
系奠昭穆原委瞭然行輩不混而春秋祭掃復置崇德公以上醮田  
合同飲福均有聯屬之誼是三族之分而能合也譜既成因序其合  
修之由俾後人觀覽者知合族之不可以無道而建祠之舉雖猶有  
待要皆爲不容已焉矣

# 道光庚子年五修宗譜

學韶公原序

譜有合修分修其前分修而後合修者統一族之宗枝也其前合修而後復分修者序一支之世系也吾家族譜已經四修源流條緒毫無混淆均屬前輩老成之力韶未及焉要皆以誌祖宗之源序支屬之分而已溯自始祖 植公以下式金式玉式毅三公後裔繁衍遷處不一難以合脩而我祖 式金公居長世居西源傳至十二世期鳳公次子 崇仁公派爲棟公遷處下水埠至十五世 彩雲公行又徙居分處如 白雲公遷居南山 凌雲公遷居鄧地長嶺處既分矣派亦別焉惟 彩雲公一派至 茂廣公後 公璿公居西源 公璇公支屬 梓正公遷居大杉嶺下卽韶之嶺下始遷祖也至韶凡經七世但不尋其源何由知其流 嘉慶甲子叔祖明經曉峯公與西源 照干諸公以南山爲 白雲公派正宜合修宗譜復以楓源橋下爲 式玉公派俱宜同修而鄧地長嶺則三四同修焉不知幾費精神搜考無遺世系源流乃得綜也迄今三十七載度



諸古人一世一修之例其數已過誠慮遲之又久未免多有遺忘者  
今歲春初商諸族人覓梓重修而鄧地長嶺南山楓源橋下概無合  
修之意韶等於是僅纂修 彩雲公西源嶺下一派脉屬兼爲棟公  
一支廻思前輩老成今皆作古人矣猶幸牒序誌贊及各墳塋地圖  
披讀之餘歷歷可考俾後之繼修者亦易爲功矣予愧學未成年屆  
七旬力不能勝其任而又不能謝厥責敬將族祖一派近來耳聞目  
睹者開局祠內與族中英彥尋搜考核具稿輯修茲舉也前有合修  
已若網之在綱今之分修又若源之有流費省而易於述也功竣詳  
稽譜帙朗若天星比如符節是合可分分卽合矣惟冀後有賢嗣務  
學敦倫顯燦揚休以貽家乘光也謹書其意於簡端以誌崖畧云

# 同治辛未年六修宗譜

浩然公原序

先儒朱公謂三世不修譜比之不孝則兢七修譜牒日夕勤勞罔懈  
工省而費廉固未嘗無功哉而謀之不臧或有遺忘訛混過亦所不  
免况浩然學淺才疎何堪勝任柰族人屢以修譜相屬既弗克辭辛  
未秋乃卜吉開局於西源祠中西源嶺下下渠三坊仍舊合修惟下  
水埠既日就式微弗復興於是壹志力事節畷度支兩閱月而工竣  
蓋深幸自前 嘉慶甲子四脩已經曾大父秉筆諸凡盡善可爲觀  
法後則父手於 道光庚子嘗五修亦繼述尙有典型迺今六修斯  
誠易易耳然 浩然仍愧弗克如前數修也特忝讀父書何敢遺數典  
或忘之譏姑勉圖之閱因所見有大不安於其中者重加釐定無虛

美無溢辭雖曰承建侯伯致和叔族中諸老成教益此心猶不免歉  
然自揆無功又安知其無過也夫

# 同治辛未年六修宗譜

樹屏公原序

譜宜修修宜勤宜慎重詳核而尤不可過泥其支派世系生娶卒葬必信而有徵且敬宗收族於是乎在至於以道德顯揚相策勵各期有以自奮

聖時爲譜牒光尙矣稽之前譜舊序莫不云然顧我脩族譜第舉其漸近足以信今而傳後者凡五修今同治辛未秋合族協議六修去道光甲子五修時蓋三十二年向與下水埠合修今合修者惟西源嶺下下渠三坊耳其事非異人任在挾冊爲士者固不容不有以善繼之樹屏雖年近耆耄責有難辭遂抖擻精神與堂姪浩然躬勉從事不敢告勞而董其事者則有族叔昌祐東昇族弟學隆學奎學中堂弟會元族姪尙泗爰集我三坊之支派起辛丑訖辛未三十一年間所宜增編者修之冀於舊譜所云大致不差而已浩然任獨念我始祖植公雖有八世祖晚公原記柰因南鄉各處宗譜以流徙散逸失其舊厥後修譜請序異姓附會支離溷

我 植公片詳核年代精心裁決多所訂正余既喜其才識英卓誠  
有以草沿襲之舊爲補所未逮而我族之譜自此次纂修永不因  
他處致滋疑混於是爲無憾焉尤願繼起有人世爲勤修益信而足  
徵且冀其有能副前 嘉慶甲子四修時我叔祖曉峯公序中所云  
光大之實者將視 樹屏之欽承  
恩寵有加無已也則幸甚

# 光緒甲辰年七修族譜序

光 昭祖德從古重睦族之文

緒 繼宗功于今識敦倫之義

甲 第連登新野

辰 星瑞應雲臺時維桂月序屬仲秋喜

酉 成之有兆惟其時矣慶

源 滾而常來企予望之憶我

鄧 氏系出南陽 祖祖肇基發跡

家 居礫口 彩公別派分枝

修 明鴻圖式廓千餘年爪爬綿遠

譜 輯燕翼貽謀卅八代葛藟維

新 茲者家乘七修昭睦重

序 閱歷數月梨棗落成披瀟景仰前哲如存我鄉先輩既導其先路

則後昆季悉宜步其後塵老譜概依原本盡美盡善既無亥豕之

訛新箋增入今文矢慎矢勤敢有魯魚之誤閒來無意之愆非屬  
有心之失部分甲乙鼎鼎增新集號庚辰房房濟美此日加添世  
系麟趾興歌他年克紹箕裘螽斯起咏惟冀孝子慈孫紹宗祊而  
弗替更望仁人君子綿世澤以無疆

大清光緒叁拾年歲在闕逢執徐桂月

合局司事拜撰

# 光緒甲辰年七修族譜序

先賢朱公云三十年爲一世一世不修譜世凡三變矣細繹斯言而知譜之宜修洵宗族第一緊要事也若不及時以修之其間遺忘訛謬不知凡幾罪不誠重哉我族自同治辛未六修家譜迄今已三十有四載矣代遠年長老成俱已彫謝今族人屢以脩譜屬<sup>光</sup>以事係宗族責有難辭<sup>光</sup>自愧學庸才淺難勝厥任茲甲辰之秋開局於西源祠中仍舊合修者惟西源嶺下下渠三坊而已至於下水埠前六修時既弗與焉歷觀前序源源委委洞徹詳明哲人雖往典型尙在況同治辛未六修得堂叔浩然夫子秉筆纂輯更加訂正詳核無不盡善盡美至今七修不過循途守轍誠易中之易耳然<sup>光</sup>自惟樗味幸叨祖德忝入賢宮而家務攬心慳惓無暇事雖易而轉爲難矣何能繼述先志闡明盛舉以光茲譜牒哉爰舉六修以後生娶殯葬諸大端詳加考訂增入編中至六修以前者悉仍其舊不敢妄有所增減也茲之修其共襄厥成者則上有諸叔下暨昆弟各分司其職<sup>光</sup>



以責無旁貸謬膺纂修之任夙夜思慮耳目難周其間疑以傳疑信以徵信雖無有意之過難免無心之失願我族之俊彥繼茲而修者匡其不逮則茲譜幸甚光亦幸甚

光緒三十年歲次甲辰仲秋月

吉旦

附貢生三十五世裔孫國光謹序

# 乾隆壬辰年三修宗譜

文麟公原跋

始祖植公以閩王表請奉詔命鎮守杉關後見幾退以義挈家隱居張羅坑之水竹坪旋於西源胥宇世世相承分枝衍派移徙他鄉者不一其原其委諸序中固歷歷可考矣獨晚公一支世居西源宋元之間復岐爲谷口長嶺岐林是谷口長嶺岐林又屬西源之親派焉我高祖梓慶公幼失怙恃乃遠伯叔兄弟僑居於上高下嶺下爲我一支始遷祖惟勤惟儉克自成立娶妣楊氏舉丈夫子三而家道日豐凡田塋園屋皆在上高之域矣麟叨祖澤列名成均常以未能大有光顯爲慙適合族纂修宗譜誠光前裕後盛舉也雖不克分曹任職効厥賢勞而梨棗旣成敢附諸宗賢後榻管以紀其盛

# 道光庚子年五修族譜

合局原跋

嘗閱古之冊籍前有作者即後有述者此固無慚聖明之目而非庸  
儒區區修補所得幾其萬一也然在家乘一書不過奠世系辨昭穆  
與周官小史所掌邦國之志名異而義同雖或作或述不必聖明而  
凡爲人子孫者孰是可任其廢墮哉我族自始祖 植公由江南轉  
徙入閩以閩王奉詔命鎮守杉關後隱處於張羅坑之水竹坪旋卜  
築西源生子式金式玉式毅寢而漸蕃數傳以後遷處頗多惟我  
式金公支下 彩雲公裔孫世居西源傳及二十六孫 梓正公又  
分徙大杉嶺下原遺砧冊悉屬實錄皆叨 成長公伊始考核纂輯  
原委俾後人繼述有宗至 靜遠公又再一輯焉其時或疑或闕仍  
舊紀載及乾隆辛卯歲經 羽天 凌九 定京三公修明 晚公  
分屬長嶺凌雲公西源嶺下彩雲公二支一冊前闕疑者細心尋究  
雖考核未盡而條分縷析滴上歸源舉凡敦孝弟崇節義者有誌有  
贊及夫各生歿墳醮或有或闕或補必詳紀載此三修時事也延及

嘉慶甲子之春值四修宗譜 曉峯 桐圃二公同鄧地長嶺諸公  
又與南山 而安公將 白雲公一派及 式玉公支派楓源橋下  
合修一冊至是其爲力也難矣藉非積學老成留心博稽具有卓見  
焉能勝厥任哉轉盼事經三十七載例應五修爰是族人議定重修  
開局於西源宗祠僅脩西源嶺下下水埠下渠四坊同纂一冊舉董  
事數人參考磨勘膳繕付梓是修也前有合修雖未克臻先人之識  
見實藉先人之功力尋途守轍庶免遺忘闕者補之餘亦仍舊越月  
告竣惟冀後之修者精詳審慎毋忘作述之至意焉可耳

# 道光庚子年五修族譜

學繼原跋

蓋聞譜牒之作以辨世系紀生卒統宗枝也吾家宗譜於 乾隆辛卯 定京 凌九 羽天公等三修開局長嶺祠內是時同修者惟晚公支派西源嶺下鄧地長嶺四坊與焉

嘉慶甲子四修宗譜 曉峯公等纂輯真草則又與南山楓源橋下合修而同事者皆族中積學老成具有卓見較正清釐原委瞭然自始祖 植公以下支屬吊糸生娶卒葬榮名善行紀載甚詳疑者闕之以俟後日尋核蓋纂精詳而鄭重矣溯我祖梓正公於明季遷居嶺下爲始遷祖越今七世四修之後忽逾三十七載戶口數百應續入者亦覺頗多於是族人商議重修開局西源宗祠奈前此各坊合修者俱裹足不前惟余嶺下及西源下渠下水埠四坊同修舉董事數人仍舊增入彙集草稿付諸梓人善雖未盡庶免遺忘之患矣繼肄業詩書愧未能大前人之烈以垂裕後昆際茲五修宗譜筆墨之任謹不容辭爰與族人殫心竭力共觀厥成云爾

# 同治辛未年六修族譜

合局司事原跋

譜牒之修率以幸際明盛而其事有所得爲固已至兵燹之餘有不  
得爲者苟非及時爲之恐或至放失則一族數十年之間既有資於  
譜之考稽而修譜之事誠爲急焉矣我族之譜自 道光庚子五修  
至今已三十有二年六修宜在此時辛未秋月爰集族人同商合修  
我西源嶺下下渠仍舊而水埠不至事有難強者於是僅將我三坊  
之譜重修舉協理數人 昌祐 東昇 學隆 學奎 學中  
樹屏 會元 尙泗俱不敢不始終勤慎并力以畢乃事而浩然綜  
其成僉謂兵燹後修譜尤爲急况賊氛甫靖

皇圖鞏固又屬得爲之時乎哉譜經始於中秋之後告成於冬至之前

既竣用紀數語凡前數修所已詳者茲無庸贅

# 光緒甲辰年七修族譜跋

甲辰之秋族譜告竣自興工時計之已越數月矣所謂明世系序昭穆紀生娶詳卒葬統一脉宗支者已遙觀厥成矣夫天下事莫難於經始尤莫難於圖成我族七修家乘自經始以迄圖成靡不若網在綱有條不紊者由前有諸先達之紀載如治者之有模範匠者之有規矩也後有諸君子之贊襄如舉重者有眾力之助作樂者有眾音之和也光承族房長命爲之纂輯得諸先達之紀載示我周行諸君子之贊襄相助爲理故事雖難而不覺其難焉雖然譜牒之修族人分內事耳何足異惟克敦倫飭紀愛親敬長在家爲孝子爲悌弟立朝爲碩輔爲忠臣庶足爲宗族榮寵以光茲譜牒矣區區修云乎哉

時

光緒三十年歲次甲辰桂月

穀旦

附貢生三十五世裔孫國光謹跋

# 光緒甲辰年七修族譜跋



嘗聞譜牒之作明世系序昭穆紀生娶詳卒葬統一脉宗枝也若不  
世代相繼延至年長歲久其間遺忘錯誤難以勝數將使卑踰尊疏  
踰戚可不慎歟我族之譜六修以後創修多載但老成凋謝遲至於  
今甲辰七修已有三十有四年矣一世一修之謂何譜宜勤修不修  
不孝予等曷敢有越厥志於是爰集族人商酌重修西源嶺下下渠  
三坊仍舊合修舉董事數人族伯叔共襄其事而國光集腋成裘概  
不敢辭其勞瘁始終如一是一修也雖弗克臻前人之卓識實藉先人  
之功力守轍尋途實易爲力耳至若先代遷徙不一支分派別前修  
俱已詳明焉近舉目前世系吊留增修於簡末工始於夏後告竣於  
冬前工省而費廉皆所幸也自今七修以後昭穆以合其序世系以  
辨其明願後孝子慈孫善繼善述而各親其親各長其長永念祖德  
宗功以報本追遠之意云耳

皆

光緒三十年甲辰歲仲秋月

吉日

三十五世裔孫傅振傳館全謹跋

八修族譜跋

自述附

夫叅加譜局爲一世榮譽此無他乃人生報本追遠之誠良有以之然也并回憶我族光緒甲辰七修將臨我祖考有誠公會預籌歷年爰壬寅鄉變往贛冬遂作古猶以未與獲盡棉薄爲憾斯時也芳正童齡遊學鍾田旋承重服至今言猶在耳且方寸數十年來未嘗須臾或忘也不幸翌歲慈幃再背甲辰之

修適屆新市火災峩峩峯亦付之祝融焉  
今屆甲戌新橋重被兵燹峩峩峯復燬足  
見天地循環世態滄桑每逢三十載嬗  
遞變遷則當重修其譜先儒謂之一世  
誠以家族國三者之盛衰統三才一貫  
之理也是故世修譜牒不其慎重也乎  
厥後清末忽而停罷考試忽而革命軍  
起而族中前輩諸老成亦幾寥若晨星  
矣迄民建元國事凋瘵民亦多故始立

代議政體癸丑歲歉我鄉倡立義倉於  
西坊北壇戊午地震并祖廳左畔橫廳  
失火不二年臘右畔倉庫又焚國立學  
堂有禁讀四書五經之令三教經典概  
遭黜廢因此時事日非辛酉安仁西坊  
乃設同善社挽回人心命長男家仁業  
儒私塾藉作根柢然而風馳電閃異端  
百出自三民權利之說方盛而身心家  
族觀念始弛青年效顰曲解與誤會者

不知凡幾由是隨使仁兒擇師中學效  
法前輩俟後燕居再另計劃三十載譜  
局之責誰料虛度南北紛爭多年而左  
右派閱牆繼之致辛未紅軍卒竄壬申  
復陷奈何仁兒殉內室戴竟接踵棄世  
歲晚匿宿山林祖聽仍遭火劫嗚呼災  
害並至我生不辰夫何使人至於此極  
也噫此惟救死而恐不贍又奚暇遑及  
譜事哉次年不已遠避他方携頤驂兩

兒同吳玉堂師百餘人流落建甌至甲  
戌白軍收復旋梓任區公所調解會主  
席時地方紅白非常糾紛千頭萬緒令  
人觸目傷心孰知未經歲餘七波又起  
丙子冬復有赤匪遺孽百餘由建陽入  
境并如驚弓之鳥仍絜家屬暫在黎川  
歸後戊寅乃應嶺下黃府譜局之請併  
得就鄰查錄本宗兵燹殘頁與預商醮  
項儲存以便本年八修開局告竣等費

藉續祖宗餘德俾酬終身大願今也借  
跋歷叙由來誠不幸中之大幸也 并德  
薄才鮮猶有不已於言者茲當頒譜時  
重申之曰夫譜之不修亦猶德之不修  
學之不講其義一也但此次循例譜旣  
修矣諸務潦草塞責矣倘不奉爲金科  
玉律身體力行則如不修同所謂修之  
非艱而在行之維艱爾况丁外患內訌  
憲政未定時期其產平等自由諸學說

亦與末俗頽風相附會惟恐鄉愿越俎  
地痞鼓釁漸漬莫覺尤望一脉親七各  
善護念孝友雍睦是尙從此四維克張  
嫌隙盡釋立躋族淳鄉美國度大同懿  
與休哉王道存於鄉及禮失問於野郎  
屬藜藿亦承詢獻焉豈曰小補之哉

時維

中華民國廿九年歲次庚辰小春月 吉旦  
三十五世裔孫蘭亭謹跋





# 七修宗譜目錄

八修新序三頁

原序十二頁

原跋四頁

新跋四頁

目錄一頁

先儒徵譜說一頁

條規三頁

族規二頁

傳贊暨壽文十頁

命名字派一頁

領譜字號一頁

董事名氏四頁

安仁寺徵稽冊序記暨餉田共九頁

植公後記一頁

安仁鄉大事記一頁

宗祠記一頁

宗祠圖併嶺下梓慶公祠圖基址圖四頁

塋阡誌并立碑志共二頁

墳墓圖共二十一頁

坟山五頁

冬至祭田三頁

各派醮業共三十二頁

西源嶺下下渠吊圖壹百二十四頁

世系源流引一頁

自植公十三代起一世至三十世盛字行世系共七十八頁

文字行起三十一世至昌字行三十二世八十八頁

學字行起三十三世至尙字行三十四世共壹百廿三頁

傳字行起三十五世至恢字行三十九世共八十八頁

補遺總附六頁

總算陸百叁拾叁頁

# 先儒徵譜說

伊川程先生曰嘗攝天下人心收宗族厚風俗使人不忘本須是明譜系立宗祖之要法

又曰宗法壞則人不知來處以致流轉四方徃徃服未盡而不相識又曰譜牒若廢千百年之後骨肉無統情恩亦薄

朱晦庵先生曰古者氏族之書掌于史官故官有譜姓有苑族有誌朝廷選舉以之考真僞士大夫於婚姻以之稽閭閻厥後家自爲書亦以明大小宗枝別親疎遠近尊卑名分也

又曰三世不修譜牒比之不孝君子當慎之可也  
草廬吳先生曰族可無譜乎上無以誌本源之所自中無以誌支條之所分下無以誌流派之所係

朱文正公曰族受姓之初一人而已則凡姓是姓者均族也不異而有所異也蓋因其異而傳蔓延他適地異歲久而聲迹不相聞名字不相通於是各異其姓族而不能知其初同一人者此譜之所

由作也

吳康齋先生曰祖者氏之所自族者祖之所支是以祖雖遠而氣脉貫焉族雖遠而本源同焉此君子所以貴尊祖而收族歟然非藉於譜則遠者有時而或忘眾者有時而或離譜者所以追遠而統眾也不厥宜哉而世或鮮克舉者弗思耳

## 規條

一鄧氏系出於殷封侯於鄧駿發於南陽播遷於江南綿延天下我祖植公仕於閩承命鎮守杉關隱居斯土後卽家於西源植公固我族始遷祖也迄凌雲公遷谷口景和公遷交溪長嶺則谷口長嶺卽以凌雲景和二公爲始遷祖而南山祖白雲公遷自西源邵武岐林祖文楠公遷自長嶺是白雲公爲南山始遷祖文楠公又爲岐林始遷祖矣至爲棟公始遷下水埠卽以爲棟公爲始遷祖若梓正公雖遷上高嶺下然去西源較近且分族未遠則與西源各派子姓同遵植公爲一世祖而譜不另吊顧卽長嶺南山岐林各以其支祖爲始祖究其源皆遵植公爲一世祖也

一譜倣歐蘓修法吊用歐遵五宗九兩成規五宗者五世一提取乎五服相承爲一圖前圖五世爲五宗次圖五世亦爲五宗然次圖所提之人卽前圖第五世之人合而計之實爲九世謂之九兩系

用蘇排列次第不以年之長幼爲序惟以房之長幼爲序長書訖然後及二及三以盡其餘於本人名下具載其生娶卒葬不可詳者闕之其幼而未娶者則空白數行留爲填補之地

一子姓蕃衍後人有犯先代名諱者叔姪同則改姪兄弟同則改弟士庶同則改庶人生卒同則改生者

一譜於某名下卽書娶某氏蓋夫婦人倫之始妻敵體也初婚書娶再續書繼若續而仍聘處女者則書繼聘妾御莫敢當焉故妾書副室稱謂之間絲毫不紊所以杜寵奪也

一母或嫡或繼或庶其有子者卽於其下書生子某其無子者書無出

一無子未立繼之時爲族長者當從大義婉轉開諭擇昭穆相應者一人過繼免致爭奪有傷風化抑且生不至缺養死不致乏祀嗣後如艱於子息者必預爲立繼決不許從似我似我惡俗違者削黜

一凡出繼者則書某人之子繼世系列於所繼之父母示承祧也而

於本生之父母亦必彙其名不忘所生也其有越支而繼者則書  
愛繼某明非正繼也自幼撫養同族之子者則書養不列愛繼之  
例以養與生恩等重也

一譜中所載當以名雖子修譜例書父名孫修譜例書祖名使後世  
得有所傳而子孫命名不得冒犯混同

一前人懿行可嘉者例應作傳以流其芳使後人見之有所興起禮  
云先人無可稱而稱之者誣有美而弗知者不明知而弗傳者不  
仁譜於可爲坊表者名左述其生平刪繁就簡適肖而止不敢過  
爲譽諛至如存者例不立傳蓋一息尙存此志不容少懈百年定  
論請付之將來而官長所給旌匾則悉載以彰之

一婦有節義可稱者雖庶母無子亦必書其節孝有改節而來者不  
論有子無子亦必書其生歿葬如改節而去者夫歿書改適夫在  
特書出字其有繼淫失節者則削而不書所以風廉耻也

一出養於異姓者書後可歸宗也或果係子多日食難度不得已將  
子鬻而情可原者只書出撫於某姓以姑恕之如年壯力強貪餽



懶惰而鬻其子者則直書出鬻以惡之子可許後日歸宗父應削譜

一不論老幼存者雖年高不稱公卒者雖年幼亦稱公所以別存亡也

一譜中於娶婦必書娶某地某姓某名之女嫁女必書適某地某姓某名蓋俾後世知其本源以識先代之姻戚也

一吾族世久居散名字行號重同屢見欲更易之先代口傳碑誌文契已定但仍原書之有譜首吊圖支分派別了然明白觀者展卷即能自辨如我祖 彩雲公裔之文字派與 凌雲白雲二公裔

榮字光字派爲同行兄弟而爲棟公裔之貴字派則亦與文字派同行以前不必更易今修譜於昌字後派行俱用學字舊譜編輯二十字成句合而一之以詳世次一宗族也其編派字句曰學尙傳家遠源恢裕慶長忠貞伸亮節萬代肇名揚以上二十字俾我族循世次立派命名庶不參差後先至揚字以後則又俟雲礪子姓稽選增編

一譜貴傳信而闕疑信而不傳爲隱疑而傳之爲誣如舊譜註中曾載 植公之曾祖照翁公祖六十公父國保公自江南屢徙至閩然遐搜遠徵年月無稽故僅誌其名于世系前而以 植公爲始祖蓋以公始遷西源碑塚醮祭歷代相傳據實直書更爲得之至植公後各枝遷徙他處原譜未吊者無從稽考今亦不敢鑿鑿紀其人爲某地祖某人爲某族宗以不傳疑也

一譜印成九部立編字號每號刻一小圖章於篇首列號印某人領譜圖記於下卽於某人所領之譜用某人圖記每篇鈐印不肖子孫貪賄圖利有覲面目賣與同姓不同宗之人致年世久遠相與混入故以圖章爲據每三年一查於清明日無論遠邇各親賚所領之譜至家廟呈驗每部遞年掛號某年驗三二字於編號之後以記曾驗未驗除水火不測之變外有殘毀污壞者是謂慢祖辱宗族眾重行懲罰有無故遺失及私鬻者無論尊卑士庶眾人立削本人及子孫名字永不入祠并於各譜註明某號某人領譜于某年遺失以杜私鬻之弊

一譜牒不得輕假出外亦不得輕易付素不深相信之親友私自翻覽防其錄謄作弊也如有謄繕查出定行削黜或遇水火兵燹當與神主真容一同抱負出避重祖宗也

# 族規

一重天倫 父母生身之本莫切於孝兄弟同氣之親莫切於弟男女有別然後義生長幼有序然後禮作不孝不弟無禮犯上無義奸淫禽獸之道也男婦犯者革醮削譜

一守本分 士農工賈各職其業如遊手好閒至貧乏不能自存或交結邪僻倣縱爲盜貽辱宗族鬻妻棄子絕先祖祀其情無可原者悉令革醮削譜

一聯族誼 宗族雖分枝派原祖本同一氣自當雍睦凡吉凶慶弔禮在則然但族大宗蕃婚祝時有支應殊艱卽各支自相往來亦聽其便至如吊禮同坊固不具論其散處族人未免有跋涉之勞隨有數人亦可共爲東道至則亦敦睦之一道也

一守先業 膳田所以養生醮田所以追遠學田所以尊賢盜賣者國有典型而削譜革醮又家法之所不容也

一謹墳墓 坟墓者生靈攸關宜滋美材以培地脈序昭穆別男女

以妥先靈假如媳附翁嫂附叔男女何別孫跨祖婦跨姑昭穆奚存嘗見世家巨族多有各地庇佑後人至其子孫不守先訓遂以凌夷衰頹也故我族人卽葬有分祖山亦必當眾踏看上下左右無碍方許附葬否則當眾公扞仍加重罰本人革黜祠子孫永不復入其知情附和者本人革黜祠子孫合其復入賣祖墳與他人者罰同強葬祖坟作中見者罰同知情附和自今伊始凡屬我族公共祖坟一概禁止不許再葬犯者如前議

一錢糧本屬 國課無論已糧黜糧或多或寡務要及時完納年清年款不得頑抗拖欠致差役追呼亦不得飛射欺瞞貽累他人官法固在不恕族規亦有必罰

一匿名謗帖 朝廷嚴禁如我族子姓敢有挾讐誣捏佈帖訐謗喪人名節身家者查出削譜黜其妻妻貝錦恣爲訕讟者亦黜黜三年

一酗酒行兇勢必至喪厥身家詒戮父母如有不守本分好氣生事者革本人黜三年悖逆犯上者削譜

一凡祖墳山及宅龍水口山先人坟墓在焉合坊生靈托焉山內蓄有竹木蒸鬱所以安靈爽鍾旺氣也界內不許砍伐竹木禮曰毋斬於邱木自後如有不肖子孫或鄉鄰盜砍族長通眾查明公罰俵禁醮山以儆將來

一爲人各當自立讀書而外農工商賈一技一藝皆可謀生何必身爲差役婢膝奴顏供人磨叱縱狐假虎威詐索財物得以醉飽一時然良心喪盡玷祖辱宗不赧顏乎我族從前恪遵家法無一人冒入公門自後族屬如有練達才幹除捐克吏書外務守舊章敢有蔑視祖訓克差役皂卒者尊長族紳公呈公逐不許入祠與祭仍加削除註爲常規以儆無知

一貧乏人之常事亦要立志氣勵名節所生子女賣爲奴婢豈不玷祖辱宗我族屬如有貪圖財賄將子女賣爲奴婢者削譜黜醮串誘者其罰亦然

一我鄉山多田少惟藉杉楮竹笋上以辦國課下以資衣食倘不珍重任加斧斤山其童矣人何資乎凡人家所蓄杉楮竹笋敢有

盜砍戕害者重價賠償挨家俵禁犯至三次者黜黥二年狗庇者  
同罰

# 壽文傳贊

## 思公仁傳

公諱福輝字映我思仁其號父兆臣公處國初渾噩有古君子風有男子三公居次好讀書勵志節弱冠失怙事母楊孺人意甚得家事一遵兄命當分財時年尙少卽以讓聞及長慕其先八世祖晚公爲人好善樂施嘗修改猿嶺大路又改換大杉嶺路開砌寶蓋巖前路及造橋諸義舉思有以繼前徽而詒穀後人因發奮勤作家日益饒日用尙節嗇而以所餘資鄉里遠近有所興作領袖多矣至其鄉水口外嚴婆石橋乃所獨創上下數十里路旣以時修之復爲鄉人計祈報費慷慨立義田以垂久遠且隆師課子禮意備至後次子長齡力學郡縣試輒拔前茅然不涉浮夸初無濫交知公以義方垂訓者有甚深也邑令方彭二公前後贈匾交褒宜哉公年七十子四長齡行二長齡爲知名士余在郡與遊甚恭謹久而不怠旣請爲公傳



余詳公行狀謹述而贊之詩曰無念爾祖聿修厥德詒謀燕翼孝思  
維則公號思仁名實不忒

乾隆戊辰進士翰林院庶吉士原任夏津縣知縣改任福甯府儒學教

授掌教鰲峯書院 建甯梅崖 朱仕琇拜撰

## 泉石公傳

公諱盛松字長齡後號泉石父思仁公朱太史嘗爲傳贊有子四公  
行二公五子其季爲明經君余教授邵武九年與明經君交最深因  
得讀朱太史所撰文謂有其父卽知必有其子既而明經君爲余述  
公行畧竊歎公誠善人也公少讀書負奇氣寡言笑刑家而式其鄉  
人惟汲汲濟人爲心一守義方之訓童子試輒冠其曹固必售之器  
乃兩赴院試不遇卽無意進取專精醫藥凡他醫或束手公悉心務  
活之多效遇貧者固不受謝其無力購藥者率攜以資必痊而後已  
性少可獨敬禮文士以學未成名故時復手下釋卷後其季明經君  
亦遂能自奮於學以有成焉公嘗擬作祠堂未果明經君且力成之  
公可謂有子也已年五十一卒余習知明經君自非虛美其親者故  
於所述譜其尤善者爲傳而公之生平多類此餘可從畧云

賜進士第舉孝廉方正原任邵武府儒學教授擢翰林院典簿

甯化清夫 吳賢湘拜譔



## 文燾公傳

公乃余之姑夫也其人天性仁慈胸懷灑落涉世則霽月光風持身則懷真抱璞棕鞋桐帽志惟在於山林羽扇綸巾足不入乎城郭習青鳥之書得太史之籥四元密訣遠契金精而誰知八字靈詮遙通玉檢而獨覺遇事排解雅有魯連之風逢人提撕絕類適人之鐸患難相顧扶持不惜其身爾我無分施濟每傾其橐言慈教孝宗族泮其能和執信存誠親友知其可託建橋梁建宗祠建義學洵勲猷之卓卓不趨炎不附勢不務名誠族鄰之鎖鑰迄今階前玉樹曾吐芬并池內鯢龍悉露頭角此皆公之仁厚所貽而亦公之德源不涸

內姪戴龍光拜譔



# 彬如公夫婦八十壽序

余教授邵武九年得盡交四邑人士泰甯明經愛飛鄧君者與余交最深余嘗謂文章有神交有道者也庚辰冬以書來請爲其次兄彬如君夫婦八十壽言余素辱明經愛明經有請余固不得而辭也至以言爲其 兄壽則友好之誼尤不容辭明經言 君厚重質實御家有法兄弟五人長兄早世 父泉石先生方正嚴毅爲鄉里所敬重好讀書不屑屑問生計屬 君以家事 君謹承父志凡持已接物一以謹慎不以纖毫遺鄉鄰口實 先生歿時諸弟姪尙幼君上事母嫂下督諸弟耕讀百事就理闔門食指至數百白衣食稅繇外凡親賓慶弔宴會歲時餽問姻恤婚嫁殯葬諸務人以產業無多費將不支而一無所缺 君治家豐約適中不爲吝嗇然持己以儉蒞事以勤待人以禮又能隨事持重措置得宜故能治其家與弟姪同居數十年以入眾居隘乃始分析其著於家庭者如此殆古所謂孝弟力田者歟今年躋大耋猶勤於事不肯暇逸而孫曾日衆田

園日增夫婦齊眉福履日盛蒸洪範之言嚮用五福其四攸好德以君之厚重醇謹孝弟力田其爲德何如卽其享有是福宜也明經又言君智周於事人皆信任之凡里中橋梁道路宗祠修建衆皆推君董其事其費用多寡人無有疑而議者予以爲行孚於一家卽可孚於一鄉智周於家之事卽能周於鄉里之事皆其宜然無足異者君今年八十夫人八十在明年君欲省姻好慶祝饋送之煩特命夫婦同爲壽予謂妻道以從夫爲義夫人旣能順於君卽先爲壽亦無不可而亦足見君之曲量人情重煩戚故其用意尤可尙也予文詞淺陋有愧明經之請然書其孝弟醇謹勤儉之德著受福之所自徧贊賓客間以爲鄉里勸庶幾聞而興於德者衆而一鄉之風俗其將駸々然日進於醇古也夫是亦古人立教之微意也謹序

皇清道光元年歲次辛巳春王正月

穀旦書

賜進士第舉孝廉方正原任邵武府學教授擢授翰林院典簿

吳賢湘郵祝

## 曉峰公傳

明經鄧先生諱文熊字夢飛號曉峯嘉慶辛酉歲貢道光甲申選仙遊縣儒學訓導丙戌卒年七十有三先生力正學志古文既以聖賢爲可學而至受業秋水江先生秋水故與吾師芑汀金夫子善吾師與李鄉賢古山皆得梅崖朱太史古文真傳秋水先生詩古文辭太史嘗手爲評定古山亦重之先生淵源秋水最爲古山所推重且評定其文以爲直追古作者曩聞吾師復亟稱之而仰慕已久竊以爲古文之道太史後惟吾師與古山衍其傳先生又其嗣音焉尤殷殷興造人才欲陶冶而成之性莊毅而規嚴肅然隨其高下肫懇獎勵故士樂就之而遠近多出其門復倡立義學爲一鄉歲科試及舟車費計以遠其於族中亦然永足爲子孫讀書膏伙資念周賑飢則置義倉於里中以及修路社諸義舉鄉鄰仰德者不可勝紀誠得數君子如先生者錯落鄉邑四境豈尙有窮民而不頌安平康樂哉抑聞其先君子謀作祠堂弗果先生已克成厥志蓋存心教養而仁孝之



思深也他如字體遒勁卓然成一家入獲其片紙如拱壁乃其緒餘耳所著有曉峯集已刊行際遇既應其孫文學芬之請而爲之序文學兼求傳先生復何辭乎先生有子三長昌塏邑增生次昌垣邑廩生昌兼其季孫文學芬則塏第三子皆能世其學云

綏安藕亭熊際遇拜譔

## 配翁公傳

先生諱尚潔榜名浩然字慎勿配翁乃別號也係明經 曉峯公之曾孫邑增生澄軒公之孫府庠生近仁公之子也 先生幼本庭訓家學相承課督綦嚴先生纔成文父遂隱居匿跡見皆惟有太孺人在堂常承歡色笑凡一切家務 先生任勞任怨不使太孺人憂慮此皆孝敬性成思欲接紹書香每焚膏繼晷奮然力學師事江東序先生見其筆機明爽文氣高華故每課加批批其異日爲場屋中之利器書香家之名裔也及應童子試屢拔前茅迨年二十餘果以文受知於 李小湖學使取進案元不數年又見知於 章采南學憲取列高等補廩食餼強仕餘 馮展雲學憲選入明經四代書香兩世明經洵是一家機杼此可知江先生加批不虛也震等二十有一始從遊於先生之門連五載門遊如坐春風化雨之中侍坐久乃得親見親聞其生平行爲其在鄉鄰建造石橋經營義倉義學一一躬親不辭勞瘁斯則有功於鄉者 先生設帳家塾課督讀書以育人

材復精岐黃選擇以濟鄰里除此外暇則纂集百家姓氏刊印忠孝  
二經養正須讀諸書以傳後學均爲裨於世道人心斯則有功於世  
者 先生其爲一家一鄉之善士乎哉且親聞咸豐丁巳七年聯首  
圍練率鄉勇各隘日夜謹守禦寇克復城池得蒙提督 鍾賞給軍  
功六品復親見 光緒庚寅十六年建立城中利涉石橋題捐有功  
蒙 縣憲荆瑞賞賜匾額四字望重一鄉以爲流芳百世時值甲辰  
秋聆七修家乘震等理應立傳但詞愧不文不能闡揚 先生之芳  
躅聊將親見親聞者畧舉其大端以俾採風者有所考耳

受業門生歲貢元楊方震百拜謹撰

# 懔勿公傳

明經鄧老夫子諱浩然號配翁懔勿其字余之業師表伯父也生平儻不羣好讀書聰穎異常抱出人頭地之志作文以經書古文爲根柢雅不屑與尋行數墨家爭馳騁其教授弟子亦如之英年見知於提督學憲李公李公竒其才拔爲縣學第一人焉厥後歲科試屢列高等中年貢入成均然先生之心猶未嘗自足也雖屢躋棘闈而志不少衰好學之心老而彌篤卽家計維艱而安之若素對富翁不作乞憐態由此觀之先生之學養可知矣性好詆諧然遇鄉隣有不平之事則正色直言是者是之非者非之未嘗阿私所好且處事有才幹足以表率鄉鄰故鄉鄰亦惟先生是聽咸豐年間西匪猖獗先生率鄉勇保捍城池提督鍾公以功軍六品獎之光緒庚寅年建利涉橋先生勸鄉人踴躍樂捐邑侯荆公以望重一鄉旌之晚年嘗誦文昌陰騭文武帝覺世經等書且於諸善書如孔子文昌孝經合刻遠色編之類嘗集貲印送又編輯百家姓一書俾

音韻既協意義可解使於童子誦習此皆先生善與人同之苦心卓卓可傳者也至其通曉星家堪輿岐黃之術足見游藝之有素而在先生特其餘事耳今先生往矣而風徽如昨令余追溯焉而不能忘情以余之淺陋固不足以表先生之行謹而忝屬葭末叨陪函丈竟不能贊一辭以道先生之善抑又余之所歉仄於心而無以對先生也茲逢貴譜七修因不揣固陋謹將先生生平覲縷叙之以俟後之許燕大手能闡發先生之潛德幽光者

崑

光緒三十年歲次闕逢執徐桂月

吉旦

歲進士侯選儒學訓導受業愚表侄楊道南頓首拜撰

# 廷恩公傳

公諱廷恩派名尚友字孟佩余之表伯也余於公之生平得之耳聞者半得之目覩者半耳聞者公壯歲事也目覩者公晚年事也公壯歲因家業希微力田之餘兼營生理治家策以勤儉交易協於公平也居陋也有類口吃者然及族鄰有爭競事則無不侃侃直言必爲之排解而後已故族鄰中旣喜其和平之可近復欽其正直之不阿且雅好儒士延師課子不以家寒而怠其心合卽國光青年厠身庠序壯歲名列成均雖由公之厚德實公之教育有以致之耳晚年茹素念經喜談因果故一時慕道諸人執弟子禮而奉公爲師者踵相接夫茹素念經非佞佛也欲自度也喜談因果非好辯也欲度人也

自度七人非發無上大菩提心者孰能與於斯壽躋六旬有七例授  
九品名揚史冊不亦宜乎茲值 貴族七修譜牒謹將公之生平得  
之耳聞目覩者表而出之以垂不朽

歲貢生愚表侄楊道南拜撰

## 戴孺人傳

戴孺人鄧傳芹君之德配也年十五于歸時其姑適亡一切家政均惟孺人是賴諸親友方以少不更事爲憂而孺人賦性淑明諸凡中道雖極煩劇裕如也民國初元初行選舉其夫方往劍津覆選未歸夫姊忽臨喪寡婦孤兒不知所措又族嬖某死無所歸孺人均肩任其責所費不貲由是鄉人咸以巾幗丈夫目之次年其夫仍外出留省法政肄業歲方荒歉遠近咸有飢色孺人深明大義出爲調劑得無飢自是遠近益以女中慈善家歸焉孺人有子三課讀課耕均以勤謹爲勗迨中年後時事日非叠遭寇警辛未復遭赤匪蹂躪九死一生家產蕩然兼之產後憂勞調理乖方未幾遂以不起時年僅四十



二耳卒之日悲動鄉里蓋無不以爲食報之薄云

贊曰 女子之性儉而且吝殆若天成求其嗜義若渴慷慨負責者雖在鬚眉猶若麟趾鳳毛况巾幗而出自田家者耶孺人之行乃能破例落落丈夫於戲賢哉

前縣立杉陽中學校長玉堂吳獻琛述

# 家仁公傳

君諱家仁字國興予長杉陽中學時第二組卒業生也性沉靜嗜學不倦課餘輒以四體書法爲游藝以故各種書法均擅長而尤精於隸設天假之年當不讓戴苾亭先生專美於前也君性孝友人無間言卒業後以時方喪亂名利泊如居家事親兼任安仁新橋小學教員未幾復承縣府委爲該校校長無何劫罹白羊幾爲覆巢之卵厥後雖幸無恙而痛定思痛未嘗不戰栗也既而壬申元旦夢其母病危由是隱憂冲七抑鬱成疾及三月間其母果病君心愈慄凡藥必親嘗凡一言一動必體貼入微終日戰兢母病增君病亦增母病間君病亦間母亦深悉其孝常諱言病不使之知君又恐貽父憂常

勉強示若健康代父諸勞及其母病不起乃始哀毀不諱未及一月  
君竟殉焉時年僅二十五

贊曰 晚近邪說爭鳴士鳳陷溺竟有敢議及孝爲奴隸性者是直  
淪人道於獸道也君天性獨淳乃能與古之孝思不匱者精神吻合  
嗚呼障百川而東之廻狂瀾於既倒微君其誰與歸

前縣立杉陽中學校長玉堂吳獻琛撰

原譜編定命名字派

三三世

三四世

三五世

三六世

三七世

學

尙

傳

家

遠

三十八世

三九世

四十世

四十一世

四十二世

源

恢

裕

慶

長

四十三世

四十四世

四十五世

四六世

四七世

忠

貞

伸

亮

節

四八世

四九世

五十世

五一世

五二世

萬

代

肇

名

揚

領譜字號

立字號

梓桂公房裔孫

傳怡領

身字號

美質公房裔孫

家森領

行字號

美雅公房輪流

值祭人領

道字號

美昂公房裔孫

尚熊領

揚字號

福基公房裔孫

家珪領

名字號

福遠公房裔孫

尚端領

於字號

福輝公房裔孫

傳棟領

後字號

福榮公房裔孫

家儀領

# 世字號

公演公房裔孫

# 家泰領

辛未存五修祇字號壹部材公房尙震領

甲辰歲西源存六修原譜富字號壹部美質公房尙貞領

又存功字號七部美昂公房尙課領

庚辰歲存七修譜揚字號福輝房家著領

身字號美便公房遠水領

行字號雅公房傳芹領

道字號昂公房尙熊領

於字號福榮公房傳和領

譜盤二個祠基祠宇印板又嶺下祠宇圖并墓圖三面俱存追遠堂

匾內

乾隆辛卯三修宗譜董事名氏

倡修族房長

福球 世綿 世第

德榕 盛元 盛世

盛盤 盛森 榮廣

總理譜局事

榮啟

辦理修譜資用

盛隆 盛斯 盛梅

盛宏 盛紀 德忠

德珍 德璉 文敏

督理譜局校正宗兩法式

定京

纂輯真草

鵬

叅訂磨勘

鴻

謄繕校字

文麟 文燮 文琦 文熊



嘉慶甲子四修宗譜董事名氏

倡修族房長

盛朝 盛紀 德日

明恭 宗慶 盛楫

宗瓊 榮濱

總理譜局事

榮啟 道隆 文珏

文煥 道達 昌勳

纂輯真草

文熊

參訂磨勘

文燾 昌鰲

膳繕校字

光彩 昌進

昌漢 昌貺

道光庚子五修宗譜董事名氏

倡修族房長

文瑒 文億

總理譜局事

昌丁 昌玠 昌墉

昌行 昌墜

昌祚 昌斂

昌達 昌寶 學厚

昌侯 昌猩 傳蛟

纂輯真草

學韶

叅訂磨勘

昌岷 學軾 學毅

謄繕校字

昌驥

學繼 學鑣

學中 學容

同治辛未六修宗譜董事名氏

倡修族房長

昌詒 昌鯨

學善 學鏞

總理譜局事

昌祐 學隆

學奎 尚輝

學任 學森

尚富 尚標

樹屏

浩然

學中 尚泗

東昇 學鏞

纂輯真草

參訂磨勘

膳繕校字

督理譜局監正印刷

光緒甲辰七修宗譜董事名氏

倡修族房長

學淮 學汲

總理譜局事

學淪 學昂  
學餘 尚能

督修

統理譜局監正印刷

尚亨 尚棣  
尚澗 傳令  
尚澗 尚仕  
尚澗 傳瑋

纂輯真草

尚澗 傳振

參訂磨勘

尚瓊 尚蘊

騰繕校字

傳高 傳禎

傳館



中華民國庚辰年八修譜局職員名氏

倡修

尚端 傅挾

監督

尚熊 傅經

經濟

尚震 家著

收支

傅和 傅恕 傅錄

庶務

傅怡 家儀

纂修

家泰 家森  
家譜 家勤

蘭亭

謄錄

傅俊 家乾

對稿

家願 家驊

八世祖  
晚公建立安仁寺徵稽册叙

粵自漢明帝夜夢金人迎佛西域起白馬寺於雍門外中國始有佛而寺之名亦自此昉遞而兩晉南北朝及兩唐以來天下之沙門精舍蓋駸々日盛矣洎閩王崇尚佛教度僧數萬人而閩中之名山深谷大麓平原梵刹佛場崢嶸壯麗所在皆是煌煌乎鉅觀也我安仁僻處一方山聳水環煙村比接廣袤數十里顧獨無一佛刹道場而暮鼓寂如晨鍾聞若殊非安仁之所宜爾卽予壻黃名王者曾建鳳亭寺於大坪山亦樸斲數椽聊蔽風雨而已且無升合田糧孑然一僧唯募化月米以供伊蒲又安所得畫棟雕甍火眉金相鼓聲鐘韻翠竹黃花爲我安仁之鉅觀哉予叨承祖父餘澤竊有志於此舉時壻黃已物故以屬懿戚欲爲鳳亭擴其規模增其餉產適豫贛堪輿陳丙謂鳳形亭勢水走山飛非垂久遠之所予遂欲建寺於水口牛鼻窠度地狹隘不果乃於方頭大坵田築土砌石填半爲寺基址鳩工庀材經始崇寧二年癸未之仲春越次年冬乃觀厥成其殿廊之



宏敞寶珞之莊嚴丹堊施而墻垣築竹木植而園沼闢完且美焉煥  
乎安仁之境故直顏其名曰安仁寺由是募僧法雲卓錫於斯撥予  
腴田九十四號山二處以克僧餉繼而外甥黃旌以鳳亭廢址附歸  
於寺是其與予殆有同心夫然後予之志願遂而慰焉吁予建此寺  
非徼福也非標名也所願佛光永照法雨長施上以佑皇圖之鞏固  
下以庇黎庶之和豐緇侶焚修士民瞻仰則茲安仁一刹寧不可與  
香山虎溪齊輝並美爲高人達士之所遊觀也哉然則予之予若孫  
當思締造之匪易念合境之攸關歲遠年深毀者爲之葺圯者爲之  
修繼繼繩繩引而勿替庶幾歷千百世而不隳吾勲焉爾矣爰將創  
建原由及田山土墩細編成帙一以付男正文俾慎而藏之以爲傳  
家之據一以授僧法雲永爲燈傳執照至於結砌猿嶺大杉嶺及開  
寶蓋巖前路則已於今歲二月纓鐫記於猿嶺石壁茲不復贅聊述

原委用弁冊端

宋大觀四年庚寅歲八月朔

西源九郎鄧 晚敬撰

# 晚公上高猿嶺石壁鐫記

於崇寧甲申修改猿嶺大路東去白土西來護民寺前次修本縣白石嶺上來崇市下去石崖前并改換大杉嶺路修下透龍門上來入西坊及造橋兼畫寶蓋巖先父法堂灰壁砌磚換增開巖前路至官道甃換母親善緣井夫妻天慶觀題長生供二名於丁丑年設起水陸計十會其餘燒香等嘉龍神

知鑿

宋大觀四年庚寅歲二月初九日

鄧 晚記

晚公第八代孫

# 彩雲公安仁寺冊叙

嘗思前人有美前人不筆之於書其美固不彰而後人弗克繼夫前人則雖彰而亦不遠何也世故有滄桑人事有興廢則前美之絕續端有賴於後人之克負荷也審矣予閱嘗披閱吾祖 晚公創建安仁寺之古冊載之甚詳由今而上溯夫崇寧二年之癸未則安仁寺已歷百七十有六年矣原序云 晚公之壻黃王公曾建鳳亭寺於大坪山樸斲數椽並無田糧僅一僧而募月米祖以翁婿懿戚欲爲之擴規模增餉產因豫贛陳丙謂其山水散漫不可以久而止故欲建寺於我水口牛鼻窠復以地隘不果乃於方頭大坵填半作寺基址罄已所有力觀厥成以樹安仁之壯觀遂直顏之曰安仁寺仍撥已腴田九十四號及山一二處以克僧餉厥德宏而厥績亦偉矣其時王公已先物故予各旌者吾祖 晚公之外孫也繼亦以鳳亭廢址附歸於寺吾祖謂其有同心不誠然乎哉至其結砌寶蓋岩及猿嶺大杉嶺等處石路紀鏤於猿嶺田塆石壁迄今炳炳燁燁蓋與安仁

寺同一日月之永輝矣夫我家古冊自祖 晚公於大觀四年庚寅  
編造付男正文公珍藏遞傳子若孫以至今計其代則已歷八世而  
計其年則百六十有九世遠年湮治亂不一雖當日條分縷析始末  
原委不無蟲蠹雨風之患其授之寺僧法雲者則有徒僧子先於紹  
興八年戊午仍行修錄歷多年所亦百四十年於今矣所可幸者我  
家固以碑冊相承而寺僧亦以恩義恪守故年雖久而寺貌巍然田  
山依然我祖之德於以昭然豈非我祖之豐功厚澤有以長流而鬼  
神亦且爲之潛孚默相也哉獨念吾之與祖今昔異時雖按諸冊而  
當年事蹟明如指掌朗若列眉及觀其蠹損不無撫祖宗遺業懷冊  
籍隳廢之懼焉爰將古冊所載田山原委併其序而細錄之復叅考  
於寺藏原本不敢使有一字之差訛以負咎於吾祖若此者夫亦以  
繼前人所紀之美而俾其彰之遠耳然予尤深有望於後人之克繼  
夫予而使祖宗之美愈彰於無窮也而後可

宋景炎二年丁丑歲三月之望

明正統十年乙丑歲陽月

八世孫彩雲百拜續跋 越

吉旦

第十四代裔孫子良百拜敬抄

# 重立安仁寺碑記

蓋聞釋生於周時而興於漢粵自明帝夢晤金人遣使迎立西方聖人闡教中土其道德在於息慈善覺是故有傳頁印者搖塵尾而析理風生進竿頭而吐辭河注於是有施笠捨身祝髮蓮社徃徃崇事其道德固無量哉我祖晚公素行慈善信心博施見本保原寺址係黃壬公建立於大坪山名爲鳳亭寺時有贛州地師陳丙目視其地非可久安象教且其僧不免歲時流離吾祖惻然在念特發心博施欲構遷於牛鼻窠緣地僻隘難展佛殿廊廡遂不果立時祖拳匕眷念竟於宋徽宗崇寧二年遍視方頭大坵更鍾川嶽之靈將其田半克爲寺址仍將腴田半四號克餉僧其時鼎建寺亭整以萬楹井幹廊廡興然蘭若落成之日取名爲安仁寺斯時也不二門與福澤萬民優鉢曇現規尊五戒且當代在持之僧不泯吾祖之宏功鐫立石碑紀功載頌嗣是之後世遠而寺顛摧年深而碑碎裂所勒之碑漸潰仆倒雖寺原刻有木牌列吾祖姓名歲時奉祀今吾族子姓揆

思先祖之功恐其愈久而愈失其迹也於是吾族理喙今代任持眾  
僧欣然樂從復立石碑酌功祭祀載叙吾祖博施建立之事及充餉  
僧食之田塍併勒於左俾水木本源各知所自吾祖博施之事垂留  
萬禩不泯不朽我輩子姓稍克孝思伏祈

皇圖鞏固 佛日長明 吾祖之功 千古不泯

明崇正三年十一月十五日

西源檀越十八代嗣孫鄧仙闕等立

# 建安仁寺法壇記

安仁寺之建自我八世祖 晚公始 公當宋崇寧時好善樂施其  
建茲寺也殿宇巍峩佛相莊嚴僧廬周具蓋比鄉一大蘭若也嗣後  
我族凡數修理迨明季乃鼎建焉雖未能後前人規然仍舊址倣舊  
制固能不失舊觀也乾隆初以寺僧不法蕩費寺產繼復任持非人  
遂致牆壁破壞簷無傾頽嘉慶己未我族因捐貲鼎建法壇於佛殿  
之左時用去制錢二百餘千以工費繁浩未能遽及佛殿然其事固  
不可緩也所望我族人重新振理復還舊觀庶祖德可以不墜焉耳

皇清嘉慶四年己未十月 日

文熊謹誌

## 重建安仁寺佛殿記

安仁寺八世祖 晚公原建佛殿後歷多故未及復舊 嘉慶己未

浩然曾大父建法壇記嘗言之實有志而未之逮繼復任持非人因



循弗果歷有年所後寺僧慧空禪師來恒留心是舉歲 道光戊申  
謀諸我族倡議重新乃僉勸捐乃圖興工中爲佛殿淨土莊嚴三大  
佛及十八羅漢觀音彌勒諸寶相重加裝飾敝其後以高樓闢牖戶  
於四面以爲明淨之居則顏閣曰藏經突其前如矩室環欄檻於兩  
旁以爲坐立之倚則匾亭曰天香左仍法壇之規右闢戒堂之靜几  
伽藍所宜有者皆次第成就煥然一新規模倍昔凡閱數年費金若  
干乃告訖功是役也慧空禪師算量精審最勞神節畜度支無浮費  
我 曾大父所有志以期望於後人者卒有以復 晚公創建之初  
制更踵事而增華焉我族人亦咸幸祖德賴以不墜於以知佛固有  
靈而人事要不可不盡亦既有然所願我族繼起有人宜立志以造  
道用克光大而永圖恢張者應作如是觀 浩然日因以自勉焉矣是  
爲記

皇清咸豐四年歲次甲寅十月 日

吉旦

三十四世裔孫邑廩生浩然謹誌



正道受一莫大打擊亦爲本寺數十年來衰替之一大因果也噫眾生處此五濁惡世而又倒行逆施若此無怪夫現世有天堂空地獄滿之說也祈望合族人等常作寺僧獲法追念祖德宗功擴而充之庶不至數典忘祖也可

中華民國二十九年歲次庚辰十月

吉旦

西源祠八修宗譜裔孫蘭亭謹誌

# 晚公所捨克安仁寺餉田地名

一段坐落樓下砂田載苗六升 其田四至 東至殿宅山勘 南至路 西至路 北至樓高石勘爲界

一段坐落方頭大坵及寺基址共計三十七號五厘載苗四斗二升零七勺 其田四至 東至路 南至路粉壁前 西至塋下田 北至魚子田爲界

一段坐落寺後獨坵及高勘下小長坵田二號載苗二升五合 東至路 南至寺基 西北至版牆區上第三坵田塹橫過及鄧必政田爲界

一段坐落槽碓坵及溪邊沙洲田共計二號載苗二升五合 東至鄧必政田 南至方頭大坵 西至溪 北至溪爲界

一段坐落大坵下溪邊田五號載苗五升五合 東至方頭大坵 南至鄧必政田 西至溪 北至溪爲界

一段坐落粉壁前田三號載苗米三升零三勺二抄 東至路

南至路 西至鄧輝祥田 北至方頭大坵為界

一處坐落書坵田一號載苗米一升一合 東至鄧必政田 南至

鄒識得田 西至溪 北至路為界

一處坐落走馬坵路皆早禾田五號載苗六升 東至鄧輝祥田

南至路 西至本寺山 北至本寺山為界

一處坐落葫蘆坵田三號載苗三升 東至路 南至鄒識得田

西北俱至路為界

一段坐落上坪上株樹下田五號載苗伍升 東至鄧輝祥田

南至鄧必政田 西至鄧輝祥田 北至鄧必政田為界

一段坐落坪上石路下田三號載苗三升零壹勺七抄 東至路

南西北俱至鄧輝祥田為界

一處坐落走馬坵頭早禾田四號載苗四升二合 東至鄧必政田

南至蕭七田 西至水圳 北至路為界

一段坐落朝山坵田二十七號載苗三斗二升零二勺 東至溪

南至路 西北俱至鄧宅樓屋及朝山嘴為界

一段坐落西坊墩尾田三號載苗三升零二勺 東至鄧輝祥田  
南至鄒識得田 西北各至鄧必收田爲界

一處坐落王坑深塘二號載苗二升三勺 東至鄒識得田 西南  
各至鄧輝祥田 北至田及水窟爲界 其田撥克作猫兒飯食  
今失管

一處坐落洞雲塔前三雷畔五號載苗六升一勺七抄 東南各至  
鄧輝祥田 西北各至本寺田爲界

一段坐落銅坑口田七號載苗七升一勺四抄 東至溪 南至石  
嘴 西至圳及路 北至圳頭爲界

一田坐落顏家門前田二號載苗二升一勺 又

一段坐落顏家門前田三號載苗三升二勺 東至鄒識得田及路  
南至鄧必收田 西至圳 北至溪爲界

一田坐落朝山嘴桑子園計田六號載苗一斗五升 東至小坵帶  
過行路直過鄧宅樓坵 南至大路 西至田 北至田及高坵  
爲界

一水口銅坑陂頭窠內及牛鼻窠山一片 東至路 南至牛牯塢  
 分水直下朝山嘴 西至高頂 北至大窠外嶼嶠直下大路為  
 界

一山塘坑麻窠山七片 東至嶼嶠直下均 南至田 西至田  
 北至高頂流水為界

安仁寺王坑庄所各處餉田田苗數

- 一處坐落了公坵田三號載苗三升
- 一處坐落槐樹坵田二號載苗二升
- 一處坐落溪頭田八號載苗八升
- 一處坐落樓下田十號載苗一斗二升
- 一段坐落爐坵田二號載苗二升
- 一處坐落洋西坵田二號載苗二升

一段坐落盧家坑田五分載苗五合

一段坐落長嶺茶山坳下和尚田八號載苗八升

一處坐落南山下及路背大坵及溪邊田共計二十八號五分載苗  
二斗八升五合

一處坐落庄前田至溪邊爲界共計田四十二號載苗四斗二升五  
合

一處坐落殿宅屋左廡高塆下田四號載苗四升

一處坐落車邊園地七片 東至小溪 南至大溪 西北各至高  
塆爲界

以上各田不知何時何代是何因緣撥充爲泰邑官租去訖庄  
所地址在下王坑嶺上田塆山邊至今古跡猶存

民國庚辰二十九年西源八修譜局謹誌

一附大坪山乙片其山原鳳亭廢址黃旌仍附克歸安仁寺 東至  
路 南至鄧晚早禾田及走馬坵 西至同坑溪及鄧必政山高  
頂流水直下陂頭溪爲界 北至石龍嶺嶺直至高頂分水爲界



其山西至內同坑口圳下一號捨作猫兒飯食田

## 植公後記

我始祖 植公先入世祖 晚公故有記不爲不詳明而無可疑議  
矣其去就行詣卓然五代時如公者蓋無幾人 惜然嘗閱秋水江先  
生所作南鄉同宗譜序乃以公爲唐末從王潮兄弟入閩不知王潮  
本從王緒入閩王緒固不臣之尤而王潮至汀徑殺王緒潮亦逆儔  
姑不具論第考王潮入閩時維唐僖宗 光啟閒至 昭宗景福二  
年冬爲福建觀察使已近十載又越十二年昭宣帝 天祐乙丑元  
年二月十九公始生世之相後距二十年卽後梁開平三年以潮弟  
審知爲閩王此時公纔五齡耳不詳其譜系而以臆說定行踪一誤  
再誤遂謂閩地爲王氏南唐爲李氏不知楊氏僭號稱吳吳屬楊在  
先南唐屬李在後詳載史書竟弗深考如此其於公原所鑑守之杉  
關附會所隱處之杉嶺以彼易此昧亡者更何怪乎夫以公於君臣  
朋友間忠孝節義兼盡濁而獨清方之隱首陽逃荆蠻有同調者五  
季惟吳宣公相與後先輝映湮沒無聞固其志所安而顧身不趨之

各幾蒙不自之寃矣誠讀我八世祖 晚公原記其誣要可立辨况  
參稽史書尤非無徵不信又非特孟子之於百里奚以事理反覆推  
之而知其必不自鬻于王已也彼建昌誌之書寇與邵郡邢志之論  
皆大義不明與晉書帝魏而書諸葛人寇無異自來脩史修志沿訛  
踵謬類然亦豈惟公一人一事之誕妄乎哉今 同治辛未六修族  
譜浩然用詳核唐史卽江先生之謬而重加訂正以見年月不符且  
然於以知挾冊爲士者之筆不可輕下并人云亦云之非也

崑

皇清同治十年歲次辛未九月朔日

毅旦

三十四世裔孫歲貢生浩然謹誌

## 安仁鄉大事記

婆娑世界今古同悲血膿歷史中外皆然此社會評論之慨言亦我劫後災餘之印象溯我安仁地界閩北贛邊左邵右建崇山峻嶺人民忍苦耐勞風尚誠實樸素自宋以還平治民易使由變亂乃勢當其衝或安居樂業或隱藏山谷斯渾噩順帝則之民情也是故前代間接被動之災不免而直接自動之亂則無矣茲丁清末政變學術不古聖道衰而異端起昨是今非恍如天壤所受被動之災世有盡有姑勿具論所異者本土豪強之輩冒充鄉愿之行視變亂爲奇貨以地方作孤注勿特不明正心修身宗旨益且愚好自用見異思遷反而造成自動之內亂倡言宗教者有之秘密同盟者有之或假維持名目或借保衛團體作備作俵是其工具患得患失乃其戒心一經民國南北爭權壬戌常軍德盛蹂躪秩序後地方狂妄悖謬人欲愈熾繼而聯軍孫傳芳入浙加之官竈匪梳頻年踵至彼等不惜枉尋直尺同流合污泄沓自衛大肆猖獗迨共黨朱毛辛未嵐境時期

夙昔被壓民眾挺而走險一時爆發效尤不軌以致日暮途窮玉石俱焚誰識燎原之災起於微火哉設非甲戌中央軍克復新橋將此廿年間舊恨新仇掃除淨盡則陷溺水深火熱之安仁卽步瑞金石城後塵矣是役也衝鋒破陣純用飛機大炮紅白兩兵數近百餘萬蔣委員長四指揮圍剿一由泰城包上一由邵界橫來一由贛邊攻進漫山遍野步爲營我坊駐紮周指揮渾元是其一焉僞軍利器缺乏見勢莫抵卽由峩峩水埠一帶敗歸建邑此爲我鄉千餘年來之一大戰事也嗚呼生夫今之世反古之道竟釀成安仁如此空前未有之劫運而鄰近上高數十年獨不與入漩渦者豈非天作孽猶可違自作孽不可活哉嗟彼向之貪瞋癡愛輩亦當幡然懺悔而降服其心也乎現猶國難未已尤望我中華教育界諸君子亦反經而已夫經正則庶民興庶民興斯無邪慝矣書曰人心惟危道心惟微惟精惟一允執厥中庶幾多難足以興邦隱憂是以啟聖志士仁人尙其鑑諸

中華民國二十九年歲次庚辰

吉旦

西源鄧傳芳謹誌

# 建宗祠記

宗祠之建所以妥先靈序昭穆聯一本也溯我族鄧氏自唐季始祖植公仕閩巡撫邊疆以廉能見稱防禦有功閩王奉詔封大將軍後見幾隱居於張羅坑水竹坪由來久矣族蕃派衍流離轉徙者甚多西源則我祖

植公始基之地今歷三十餘世千有餘年譜牒四修宗祠未建前輩老成初非無意特在址難覓稍有待焉嘉慶戊寅春西源嶺下 彩雲公支屬裔孫 文熊 文燾二公議建宗祠以統宗支用妥先靈商諸 祖父調元暨 日雲諸公等相其形勢 桐圃公素習青烏書尋覓佳址始得於西源水口內下楊樹下問其業則係 昂紀二公房下之醮產卽時 桐圃公與 曉峯公及族中英彥等向 昂公紀公二房裔孫酌議此地撥歸 彩雲公眾建祠二公裔孫慨然樂允將此田撥入祠中以建宗祠爰是西源嶺下族眾踴躍樂成舉董事數人并名前記詳載諸君經收總理會計無訛量力捐貲釀金千

餘以成其事規模宏願寢廟翼以右連書舍厨房鍋竈什物畧備越  
年餘而功始竣卜己卯正月吉日二坊裔孫敬將

植公以下神主及 彩雲公分下支屬神主序次入焉號爲 彩雲公  
祠雖未合乎親盡則祧之義聊以展乎報本追遠之忱俾遠祖近宗  
精神不爽左昭右穆歆享無遺千秋禴祀萬代蒸嘗從此世德長綿  
家聲永振二坊後裔或有孝子慈孫尊祖敬宗增入神主者亦惟冀  
昭穆無混世代相承先靈憑依後人佑啟者也至於嗣後祠中資費  
二坊照數均派庶乎椒衍瓜綿奕世雍睦享祀豐潔萬古如新是爲  
記


肯

皇清道光二十年歲次庚子四月朔日

穀旦

咸豐己未科 欽賜舉人 三十三世裔孫樹屏謹撰

# 西源嶺下宗祠基址圖



鄂氏家譜

西源嶺下祠基圖誌

一號




# 祠基誌

嘗謂族者眾也眾必建祠以統之蓋先人久有此志而一時難覓佳址遂不果余叔祖 桐圃公習青烏書覓得一所地名坐落下楊樹下原係两房祖業 昂公醮租壹石貳斗正 紀公醮租壹石伍斗正心中億度量理可得公即告諸两房兄弟叔姪各欣然慨允時即邀 曉峯 日雲二公同往觀之規模宏遠龍真穴秀水繞砂環咸稱吉地洵堪建祠爰是 昂紀二公裔孫酌定即將此田撥作祠基余叔祖裁定即立丁癸兼午子向擇期興工平基架造斯時之董其事者則予叔祖 桐圃 日雲諸公暨昌旌昌符牧和昌塹昌鐸學由諸君合族踴躍趨事肯構肯堂聿觀厥成焉際茲五修宗譜繪圖以誌之則報本追遠在於斯椒衍瓜綿在於斯俾雲初子姓知本原之所自云

皇清道光二十年庚子歲四月朔日

三十三世裔孫學軾敬撰

西源嶺下鄧氏宗祠圖



鄧氏宗祠

西源嶺下宗祠圖

一號

嘉慶戊寅 彩雲公裔卜在西源下楊樹下建造宗祠以妥先靈右邊牆外連架書舍壹棟上下貳廳廚房臥房并廊房共拾欄當時算賬通共用去銀壹千有餘西源嶺下二坊均派付出外西源眾多捐出杉木併乾木價若干眾未繳出道光庚子五修宗譜祠內族眾合口商議將南陽書舍門內廳面上下右邊乙半并廊共五欄歸與西源義倉義學眾爲業以補清西源眾前項多捐出杉木併乾木價之數其書舍門內廳面上下左邊一半併廚房臥房廊房存與 彩雲公祠內爲業以爲西源嶺下二坊春秋享祀備辦祭物并公事局寓及在祠工人居止之所餘有書舍牆外右邊園地一片宗祠門首左邊園地及門首大坪頭園地俱係建祠原基悉屬祠內眾業誌原於譜昭示來茲云

- 一 祠基原係水田古租貳石七斗正實載正耗八升乙合正扣銀乙錢七分乙厘撥八分五厘五毛入西源塔公支下自行輸納撥八分五釐五毛入嶺下璇公支下自行輸納
- 一 昂純二公撥出祠基水田歷年春祭西源嶺下二坊頒舉豚肉共計

貳拾斤徹饌時每出豚肉七十斤交昂紀二公房領  
一祠基水田脫價去錢叁拾伍千文正外東合用費脫字存在日雲公  
手收貯

一任祠工米歷年共計八斗正西源嶺下二坊按期均出

一油燈香費若干歷年西源嶺下二坊均出


一祠內或有葺脩資費西源嶺下二坊照數均出

一祠堂門前有坪坪有溝環繞隨路而行坪頭溝外石勘高地正對祠  
門爲左砂先架造店房有店稅收其後店房廢墮以作蘭地壹片原  
爲任祠人栽菜之地本祠前正坪不得作菜畦以褻瀆先祖其地永  
不許架造店房以免致爭競滋事

一原先世居西源祖屋其祖廳原是眾共之地公瑤公裔現居本祖屋  
及左右上下相近固爲分內公璇公原有房屋壹欄在中欄永久存  
留後因祝融爲災任祖屋者重新架造改換欄數地基不同且坎山  
蘭地空基俱係存留雖自梓慶公遷居嶺下久未照管要皆屬祖業  
相共梓里何敢忘茲謹誌之亦以動後嗣孝思敦睦勿替云爾



嶺下梓慶公宗祠圖



鄭氏宗譜

嶺下梓慶公宗祠圖

三號

民國初年嶺下梓正公房裔孫尙棟作士諸公與合族磋商宗祠未立實乃前人有志未逮吾儕盍其繼成之爲我嶺下坊二十七世祖梓正作一支祠用妥先靈也於是與族衆同心協力擇地本坊左畔祖屋前鳩工鼎新建築四面圍牆一廳兩廊前架戲臺以爲春秋享祀之所牆外另設廚房庶幾合族祭掃四時讌會藉有憑依歷年清明日除赴安仁西源祖祠與祭後卽隨昭穆次序仍集本祠重行典禮以伸孝思其門樓石版乃盛梅公房所助落成之日共計費用眾款壹千陸百餘元今將本祠地基四至臚列於后俾資世守勿替云耳

祠基四至列明

裏至明溝外至田塆左至長担坵田塆右至墻基及空基爲界

民國庚辰二十九年十月

吉日

八修裔孫嶺下合族謹誌

塋阡誌

祠妥先靈而塋藏先骨採樵不禁崩  
圯不修爲人後者心能安乎昔晉王  
濬墓爲樵採所苦至托巫哀請以禁  
知靈爽所憑非獨祠宇也誌之於譜  
尙其有以衛哉





立碑誌

古者擇吉地以葬祖卽立碑以記

祖考妣某其山名坐落某坐向某原

以誌百世祭掃不替千秋源流有自

也維時五修宗譜閱自宋至今凡屬

我族本支祖墳自友祿公以上考

妣塚墓核其未豎碑者一一鼎新立


之或有缺而疑者以俟後核考爰是  
西源嶺下二坊裔孫卽時命匠造就  
擇吉豎立凡我族人春秋祭掃庶幾  
報本追遠有自不負先人之遺意  
焉耳

墳

豐

碑

# 始祖植公坊塚圖誌



# 西坊塚窠

始祖諱植字元功公塚圖誌

始祖植公塚在本保西坊屋後地名塚窠縣誌載入顯宦墓道類其塚坐酉向卯原建石亭雖年遠崩摧而椽楠具在堦前有石鐮翁仲左右碣豎蛟螭塋前約丈餘後爲他姓居屋所佔中立鄧塚界碑今已買到塚左堆基內原附墓明泰公而端希公房私墳附於塚堆外右畔美便公房私墳附於塚堆外左畔明堂園地內饒宅花臺上附橋下壽大公妣黃氏墳塋壹堆此皆塋之已久嗣後祖塚前後左右合族永行封禁不許侵佔添塋用保祖塚云

## 擴克將軍公塚誌

公塚坐酉向卯原造石堆規模頗壯歷年既久漸就殘場而庭前係他姓地曾爲房屋壓蔽前代子孫歎惜者屢之究無以爲計也至皇清道光元年辛巳歲三月金公玉公兩派遠近裔孫釀貲始加修整更辛兼戌西源昌肱獨肩董理之任約糜金近二百公墳復煥然一新十九年冬合族復向滕姓買屋并基址將屋拆之始覺前望豁

然拜坪寬綽較舊規模爲更宏矣庶幾春秋二祭子孫登坟行禮不狹而輿馬可容亦甚盛事也謹將契據四至列於墳前之後以誌久遠云

墳前房屋地基去價錢二拾一千五百文正目今四至裡廳全棟六欄中廳左邊三欄外廳左邊二欄裏至花臺外至禾坪左至墻基右至行衙及戴宅房屋中外廳及廳心爲界外同歸路又右邊空基壹坪裏至花台外至戴宅土墻左至戴宅明溝右至砂嘴爲界又左邊門首園地一坪上至戴宅園地下至饒宅土庫明溝左右俱至墻基及鄧宅園地爲界

其契據存西源昌嬸手收貯

其塚貼近右角砂嘴向西坊嚴大水買出原是植公之業因大水相爭經中曲勸我西源嶺下二坊出去價錢貳千二百文正以勉滋事自後四至內聽憑二坊照管所有樹木永不得殘害其四至上至植公坟山下至賣人園地右至田塆爲界





南埤始祖妣李氏夫人塚圖誌

本保南埤墳山始祖妣李氏夫人塚也原先坟前有拜壇縱橫寬濶平垣極有數十百人俯伏祭祀之地柰後黃姓造屋恃強侵佔爭訟不休迄今促隘無以容足而天有報應故夫所居黃姓之子孫微矣本圖連右手窠內名曰上南埤乃二世祖式金公夫婦雙塚而左畔黃姓土坟毗逼原經評爭立石基爲界共下關象形土名下南埤坐南向北者我西源下嶺下之支祖墳也連長橫三坪壘上約百餘穴至右額角埤端信公房墳也外手坪角橫路下第三坪有石基爲界則鄒姓祖坟橫路上毘連外手則嚴姓祖坟俱界限劃然不相涉矣

式玉公夫婦塚圖

鄭氏矣普


墓圖

四號

式玉公夫婦塚圖誌

山龍坑乃南鄉二世祖式玉公夫婦合葬塚也其龍由潭子隘過脉  
綿亘而來正作丁山癸向名曰嘯天獅子形圖內附下楊山榮煥公  
塚一堆毘連左手則缺遺中所載成公祖墳附焉塚前田塍上一坪  
又爲西源祖墳日後子孫各宜無忘春秋祭掃之義故繪圖以記之

# 八世晚公及安仁寺圖



鄭氏矣普

墓圖

五號

安仁寺暨晚公塚圖誌

晚公建安仁寺坐辰向戌大殿裏外兩堂佛像莊嚴鼓鐘具備原僧於西歸堂供祀 晚公神牌題我祖檀越於大殿前櫟且豎我祖捨田碑於殿右羅漢座下今之捨田碑則又乾隆甲子歲美昂公等與住持僧宗耀所循舊而重立者也殿左建飯堂左廡外則倉房及猪牛雜屋又於外構小橫廳歷來爲 官長旅館合計周圍墻內寺址凡直約二十餘丈橫約三十餘丈門外築園塘空地植竹木寺徑亘前大路遶後一千古祝 聖道場也至其左邊寺角大路背乃我祖晚公塚而前後園坪俱係 公瑤公公璇公子孫將價買就以衛祖塚者寺前隔溪坪上段則 晚公從兄明安公之塚均有碑碣朗然其寺其塚我族歷代照管今已六百餘年先人靈爽所憑子姓宜世爲修葺醮祭永守勿替故繪圖以記之

八世祖妣鄒孺人塚圖



山壠坑广小茶窠鄒孺人塚圖誌

山壠坑广均背人形乃 晚公妣鄒孺人塚也後倚楊名寨前拱巖  
嶺峯龍虎環抱關鎖交互而右手崦鼻喝曰將軍勒馬形者則後裔  
福球公墳也

其山四至上至高頂下至大路左至裏壠直上高頂直下大路右  
至有心直上高頂隨窠心直下大路爲界

傳家山鄒黃二妣孺人墳圖

鄒氏矣普

墓圖

七號



余姓耽山水尤好形家言凡業是術者予每樂與之遊而鄧君

文燾於此道頗有領畧尤予所敬信之是歲之夏適鄧君臨舍予道及李富公傅家山鈐記一節鄧君即邀予步遊此山見其山水之秀麗羅城之周密始信前輩之不誣也但穴情醜拙非巨眼人不能識而鄧君一注瞬間穴情証佐毫髮不爽鄧即與予托中向傅天根兄合買共去價錢貳拾壹千文正其山上至賣人墳拜坪下至滴水陽溝及牆脚左右俱至一丈二尺鄧君即擇本年五月廿八日戌時合厝四妣鄧君曾祖妣鄒孺人墓右穴之中予曾祖妣艾孺人墓左穴之中鄧君祖妣黃孺人墓中穴依艾妣之左予祖妣鄒孺人墓中穴依鄒妣之右當日依次安厝四妣自安墓之後二姓後裔不

得再遷再葬亦不得案爭其契原載二姓合買契存陳姓收貯用立  
合約二帛各執一紙永遠爲據

皇清道光五年乙酉歲 月 日立

師古陳先生書撰

後丁亥七年仍向傅天根將價買就此左右山以衛墳塋 其山目  
今四至上至賣人坟頭頂 下至窠口嶺路 左至茶山一片至鼻  
尾 右至全塢山尾爲界 其契仍載二姓合買契存鄧姓收貯今  
繪圖以誌之以垂子孫永守勿替云耳

卷五方音

中華民國庚辰念九年八修

南 排 茶 子 鼻 盛 紀 公 墳 圖

高祖 連三公甲子秋安葬於新橋下南排茶子鼻作庚甲兼酉其坟

山向南排黃姓買契載明四至 上至高頂 下至鄒文壽荒坪

左至世猷山貳丈四尺直上高頂直下荒坪 右至二丈四尺直上

高頂直下荒坪自後 卿公依 祖葬在右 端公依 祖葬在左

靖公依 端公葬在左 驥公依 靖公葬在左邊第三穴 鰲公

依 卿公葬在右 淳公依 鰲公葬在右邊第三穴現立有四碑

目今三代同塋築穴秩然磔水來朝杉嶺拱秀殆足以徵地靈入傑

也哉茲值五修家譜敬繪圖誌之以垂久遠云

均 上 下 窠 祖 墳 圖

塢上下窠祖墳係 連三公出名倡續原因

曾祖妣鄒孺人塋水口銅坑下坪難云牛眠吉穴 公素習地理深究

理氣見塢上更勝於銅坑爰擇吉期改塋上下窠鳳形中穴足見


公思念切茲值五修家譜附刊地圖臚列四至以垂永久其墳目今

四至 上至山頂 下至楊宅墳首 左右橫過俱至二丈四尺爲

界 其山巖姓存留祖墳四堆與賣人祭掃山內聽鄧姓并穴安葬

謹誌

礫石口壁下璇公墳圖



鄧氏族譜

墓圖

十一




公璇公系 茂廣公四子 仙院公之父 梓正公之祖也明

萬曆丁未年十一月廿九日辰時卜葬在磔口新廟上下南葬原譜載葬在下坪今繪圖在中坪丁癸兼午子豎有碑記右至石墻基及鄒坟爲界上下左均係祖墳其公妣原譜亦載葬在下坪至於左邊上坪石壁下老成流傳俱屬梓正公派祖墳但未豎碑記而春秋祭掃不敢遺忘屏倚巖峯水迎磔口舉頭文峯聳峙迎眸曲水長流誠爲萬世佳城凡我子孫循先人之舊規恪守勿替五修宗譜繪圖爲誌以示不朽

車邊 塚廣 坡頭 牛路 上仙 院公 墳圖

公生於明萬曆年間歿于天啟年初安葬西源車邊塚廣陂頭牛路上其山四至上至巒頭頂下至塚外墳頭左右俱至塚外貳丈四尺爲界自梓正公遷處大杉嶺下至今業經兩朝遺傳一十數代路隔十有餘里歷年春秋祭掃塚塋鞏固族人從無侵害自今以往其山上下左右凡我族人等毋得侵害永行封禁如有侵傷等情通族照譜中族規理究茲值五修家譜董事直誌其原庶得永保墳塋云爾公居西源生明萬曆之世係茂廣公之孫公璇公之子其歿也葬於茲山當明季天啟之時年月雖爲疑闕塚塋實是可憑終鮮兄弟幸得孤兒承陂頭之遺脉開嶺下之丕基今經二百餘年綿延一十餘世惟冀子子孫孫春秋祭掃世守勿替爰是繪畧以垂永久謹誌

前頭排梓慶公夫婦墳圖



前頭排乙辛向者乃我梓慶公夫婦之墓也其黃姓兩旁附葬在江山未買之先前只爲黃買穴耳蓋山已售江江失照而黃遂得以重行自山契既繳則四至之內皆我所有黃墳只許醮祭而已上手山下月形中穴美齋公安厝於此對面神仙塢上第三坪右邊傍黃德椿母墳美謀公葬焉進步頭一坪則蕭余二祖母之墓也楊氏祖母墓在下墩魚家排新黃家下房爲我族祖居新堂并涉水坵一帶又其後之新創也統錄於此昭示來茲舊誌附印前頭排墳山誌後

其山因乾隆癸巳黃姓強砍坟木親友勸兩姓公禁此山不得再開再塋墳樹俱歸兩姓照管乾隆癸丑黃長桂復塋其母於穴右我族投練理論因控於縣主楊蒙斷山仍舊禁給諭立案黃復認經府道兩憲飭署縣主俞訊明詳錄全案送查蒙批本道察核縣斷無偏已經取遵詳結在案免其深求嗣後再無翻異

楊家園張蕭二妣孺人墳圖

高祖考思仁公原配蕭氏孺人歿于康熙乙未年正月廿一日巳時安  
葬祖山坐落安仁保新橋楊家園血樹下中坪用石結砌另立壹堆  
豎有石碑先年顯卿公妣張孺人原安葬在此山上坪豎有碑記

蕭氏孺人所葬中坪石堆內上卽 顯卿公妣張孺人坟坪脚下至  
本堆外拜坪脚左至本墳石堆角上右至 仙闕公妣饒氏粉娘石  
碑爲界本堆拜坪橫濶約計八尺直出七尺有餘以爲子孫陳設祭  
儀之地原禁不許附葬侵傷如有侵傷等情立即公并本人革黜決  
不寬宥 嘉慶乙亥裔孫等見蕭氏孺人原碑低小未甚壯觀更立

新碑以爲永遠之記其原豎碑附堆上以爲遺記 道光丁酉  
顯卿公裔亦於張氏孺人之墓換立新碑巍然在望凡我子孫春秋

祭掃恪守先人之規矩內上下左右毋致崩陷堆積葺場惟冀坟塋  
碑碣煥然一新靈爽式憑支屬衍慶而本塚下坪則二十四世

茂璋公夫婦所厝至 同治己巳年重新立碑又附立 茂璋公予

公珮公夫婦碑於右此上下兩坪相連由 仙闕公妣石碑及石塚

右角對出直下下坪當中分界外右穴半塚巖姓附葬不得侵及

鄧墳卽改葬添葬亦與我無涉謹誌





上墓姑嶺茶窠壠文熙公墳圖

嘉慶十三年十一月 炳章公同血姪 昌境公買坡山一處土名

坐落上墓姑嶺茶窠壩左邊墳山壹堆堆外上下左右方員貳丈爲

界安葬 祖考諱 文熙字炳章鄧公於茲山右邊中穴豎有碑記

凡我子孫春秋祭掃謹守無遺爰是圖形列於譜端以爲誌云

茶郎下桑辜裏文烈公墳圖

公諱文烈 字有功於 道光庚寅年月吉日時安葬在將溪堡茶林下

桑辜裡右邊排中穴 道光乙未年左邊附葬 昌進公右邊附葬

昌選公於此山左邊目今四至上至塹心下至山脚左至來龍軟坳

及廬宅山右至鼻及蕭宅山爲界 其山四至之內上下左右皆我

所有春秋祭掃務須恪守先人之遺業圖附於譜勿致遺忘凡我子

孫敬之慎之 其山議定伯仲二房永不許再添再葬如有日後裔

孫添葬者起扞革削

石 子  
嶺 下  
黃 石  
嚴 氏  
黎 氏  
二 孺  
人  
墳 圖

其山坐落將溪堡石輞七里坑石子嶺下黃石原塋 文烈公妣嚴

氏孺人於茲山中穴豎有碑記 道光壬午年月吉日時附塋

文琦公妣黎氏孺人於左邊亦豎有碑記目今四至西至堆上巒頭

頂心東至拜坪堆外壹丈二尺南北俱至堆外壹丈二尺爲界凡我

子孫春秋祭掃恪守勿替繪圖爲誌以垂不朽云

東 巢  
焦 窠  
壠  
調 元  
帝 聞  
二 公  
墳 圖



東窠焦窠壠墳山原係鄒姓先開祖坟中留生墳二堆賣歸黃姓黃  
姓原亦未葬於 道光乙酉年轉出賣與鄒姓爲業丙戌年六月吉

日時安葬

曾祖考諱文燮字調元鄧公於茲山作卯酉兼乙辛分金左換鄒宅祖  
墓右邊中穴又 顯祖考諱昌炎字帝聞鄧公安葬於鄒宅墓左中  
穴俱豎有碑記界石朗然其山四至上至本坟巒頭頂下至本墳排  
脚左右至俱有祖坟凡我子孫春秋祭掃望先人之碑墓堆土維新  
世守勿替圖列於譜爲後人之誌

規下 風水 山盛 縉公 姚吳 孺人 墳圖

槐下風水山原葬 祖母吳孺人於此山左邊上坪中穴用金饋有

碑附葬 祖考諱文珍 孺人席儒鄧公於左邊上坪左邊亦豎有碑記

又附葬 祖考諱培元公於右邊棺頭卽頂 吳孺人金饋俱有碑


目今四至上至墳頭堰外壹丈二尺及田下至墳堰堦金外壹丈二

尺左至鄒姓墓右至鄧宅墓爲界四至之內凡我子孫春秋祭掃恪

承先人之業世守勿替惟冀墳塋碑碣煥然維新繪圖於譜以垂後

人云

樓下心中尚棟公夫婦墳圖





## 仙院公支下墳山

- 一墳山公璇公墓下南季中坪
- 一墳山坐落西源車邊墩廣陂頭牛路上上至巒頭頂下至堆外墳頭左右俱至堆外二丈四尺爲界

## 梓慶公墳山

- 一墳山嶺下前頭堆上至巒頭高頂下至溪塆左至秀才窠口直上墳肩金星頂直下溪塆右至石鼻直上墳肩金星頂直下溪塆爲界

## 美祥公支下墳山

- 一墳山坐落西源屋角上蛇形左邊乙堆
- 一墳山墟上狐狸坳藤坑員山墩上至頂下至水田左至壠心及小路右至排脚爲界
- 一墳山茶頭壠上至巒頭高頂下至直出案山左至小有右至黃宅

坟山爲界 其山前案轉面許窠頂於 黃君德元山內直抽出

七丈橫抽出六丈 文麟公將道羅塢山換出護案

一坟山秋竹坑上至頂下至水田左至埤及壠心直下壠口及水田

右至江宅墳山小塢直下壠口及水田爲界

一墳山坐落魚家埤上至美齋公坟山脚下至水田左至鼻尾右至

文郁公茶山爲界

## 美齋公支下墳山

一墳山下嶺下山下屋背月形大坪正中穴

一墳山神仙塢下坪

一墳山坐落魚家埤上至頂下至美祥公墳山及園地左至壠口鼻

嶺右至塢嶺爲界

一坟山六百坵磔干中鼻一名三石坑上至荒田下至三石坑壠口

田左至六百坵磔干田右至三石坑直壠田爲界

# 美謀公墳山

一墳山神仙塢由下算上第三坪中穴

# 福遠公支下墳山

一墳山庄寺平石壁窠上至高頂下至荒田壠脚左至鼻及嚴宅山  
右至鼻及盛立公坟山爲界

一墳山坐落下坵塍

# 文通公分下墳山

一墳山屋背大壠窠楊梅茶山上至坪塢下至田左至文喚公山右  
至鼻及黃宅山爲界

# 文喚公支下墳山

一坟山坐落大壠窠楊梅茶山上至高頂下至田左至鼻及黃宅山  
界右至長塢爲界



# 福輝公支下坎山

一墳山坐落水口下墘秋六墘上至高頂下至田左邊裏至小墘直下水田右至田直上高頂及黃宅小墘為界

一坎山周坑石竹壩

一墳山江源楓坑

一坎山安仁保磔口丑家墩楊家園

# 盛生公支下墳山

一墳山樓角墟上至高頂下至水田左至墘直下水田右至後龍行路直上高頂直下水田為界

一墳山前窠

一墳山上窠

# 昌居公支下墳山

一坎山旱壩

一坎山上窠

# 盛松公支下墳山

一墳山三石坑

一墳山庄寺率石壁窠

一墳山梨樹壠

一墳山株許山

# 文郁公分下墳山

一墳山燻坑

# 文熙公支下墳山

一墳山崇化堡上墓姑嶺茶窠壠 與昌境公相共壹半

# 文熊公支下墳山

一墳山坐落黃土嶺天堂上地名均下壠上至巒頭高頂下至墳脚  
及田塆左至本山鼻尾盡處右至本山鼻面盡處

一墳山坐落水口邊秋六坑上至巖頭頂下至田左至橫出鼻心右至賣至坡坵爲界

一墳山坐落大科坪直坑坵外週圍二丈四尺爲界

一墳山石輞百坑口廟後上至高頂下至山脚左至曾宅墳山右至塲心直下山脚爲界

一墳山崇化保新姑嶺早坑箭竹坑上至來龍入手過脉及賣者山下至坡脚及溪坑左至本山青龍砂及賣者山右至白虎砂及賣者山爲界

一墳山崗頭辛苦嶺千金窟壠東至旗山大路一帶發下左邊山至將溪余宅山棟嶺流水中許立秀耕田直出至雞母壠西至石子壠高棟左係柴宅山當心買至山右至排干吳宅里長盧宅照管山南至廖暫買余山有一小茅路橫行上棟下有壠窠轉上山棟嶺鼻過右田勘東坑壠田排直出北至隨棟下來箭竹坑小溝直至外來有一小窠爲界

其山與前棗坑箭竹坑相連山內原轉賣生墳一坵與大源戴宅

週圍戴丈肆尺歸戴宅照管其二丈四尺外悉屬已業戴姓不得  
侵佔

一黃家壩派上與上坪余姓相共一半

## 昌壇公分下墳山

一墳山天堂上黃土嶺土名坳下壠與曉峯公暨昌壇公三股相共  
四至同

一坟山艾坑上至巒頭下左右堆外俱至二丈四尺爲界

一墳山大門裏堆外週圍二丈四尺爲界

一坟山蘇處堆外週圍二丈四尺爲界

一坟山坐落菩薩巖

一墳山坐落石輞百坑口神前橋廟後一嶂

## 近仁公支下墳山

一墳山新橋井頭直上近路崗頭原是官山即名官山上 上至巒

頭直上高頂下至墳脚及田左右俱至本山墳面橫對鼻心為界  
與尚豐相共

### 盛梅公支下墳山

一墳山坐落上嶺下塘窠裏下塘窠上至坟頭頂下至賣者墳塋左  
至賣者坟右至賣人坟為界

一墳山坐落安仁保大坪上上至本墳堆頂下至拜坪堆左至坟堆  
外七丈二尺右至戴宅左邊墳手為界

一墳山石輞七里坑石子嶺下黃石西至堆上至巒頭頂心東至拜  
坪堆外七丈二尺南北俱至堆外七丈二尺為界

一墳山將溪堡茶林下桑辜裏右邊排上至棟心下至山脚左至來  
龍軟坳盧宅山右至鼻蕭宅山為界

### 昌選公分下墳山

一坟山坐落福興下堡大洋墩黃龍形上至宗熊墳坪下至田塋左

至賣人墳右至江宅坟爲界其墳與蕭慶颺相共  
一墳山下塘窠窠晝栖壠上至橫堦高頂下至橫路及黃宅山左至  
墳直下橫路及買人堦心右至鼻直下橫路及鄧宅山與昌遵相  
共

## 學鑣公墳山

一買江源坊王傳福名下坟山坐落裏基赤外排 其坟山自今四  
至上至橫棟下至拜壇左至學經墳右至堆外六尺爲界其坟山  
去契價銅錢壹拾叁千文正 其山原係君揚已業學宗恃勢安  
葬昌高公尙齡安葬學亮及左邊歸與尙標尙寶各下右邊歸與  
學雍各下日後不得紛爭爲據

## 盛模公支下墳山

一坟山坐落秋竹排  
一墳山坐落窠下雞樓窠

一墳山坐落東窠焦窠壠

### 福榮公支下墳山

一墳山外排上一半上至高頂下至界石左右俱至鼻嶙直下界址其山合房議定永行封禁不許侵佔添葬如有逞強侵葬合房請族房長通眾公扞照譜例革削決不姑寬以保祖墳云

一墳山樓下花臺上上至黃宅墳脚下至花臺壹簷及田左至砂角及巖宅墳右至砂角為界

一墳山坐落安仁保磔口丑家墩楊家園

### 盛縉公支下墳山

一墳山坐落棍下風水山

一墳山坐落上周坑水口企承上至巒頭脚張禮文公墓右至李宅墓為界

# 業戶管理田

一田土名坐落柞樹下門首合溪租米壹石捌斗正

目今四至東至鄧宅田 西至嚴宅田 南至大溪 北至嚴宅

田爲界

其田柞樹下嚴正根佃歷年除完本田文興單糧外餘作西源  
嶺下以給畝差供食之費



## 冬至祭祠序

王制有四時享祀之典春曰禴夏曰禘秋曰嘗冬曰蒸四祀惟

天子得以脩舉而諸侯初則不禘也則不嘗也則不蒸也則不禘至庶人則僅隨時薦物祭於其寢而已故今時民間享祖惟動念於春露秋霜人家廟而奠之而夏秋未聞焉然月令所載則又冬有飲蒸之典以臘先祖五祀爲勞農休息計是冬至薦廟固古禮也後世沿之久矣况屬百穀告登之候二大閉藏之時天寒地凍陰極復陽葭管吹灰五紋添線今歲之五運方週明年之六氣初動冬至所爲迎來送往也爲人子孫者因時感激謂此時之享祀尤不可或缺耳吾族近建宗祠以妥以侑當舉此蒸祭以啟將來庶椒衍瓜綿馨香愈久也但祠內醮租僅給禴嘗所需而蒸祭章程尙須另設爰於道光辛巳元年西源桐園公嶺下昌墜首倡是舉鳩集族中稍有力者襄成一會以預辦此祭今得聚流成渠創業若干并與祭飲福裔孫各另各列一簡盛哉斯舉永言孝思孝思維則世世子孫及時薦稻皆知典

制之宜循而篤雍睦於勿替也謹序

三十三世裔孫學韶敬撰

## 冬至祭田

一田坐落茅坪赤背原計古租八斗 其田上至子林田 下至水圳 左右俱至山塆爲界

一田本處門首大路下四方坵原計古租四斗 上至黃姓田 下至梓材公田 左至義學田 右至日榮公田爲界

一田本處土橋頭學堂坵原計古租壹石貳斗 上至巖宅田 下至連三公田 左至大路 右至楊宅田爲界

以上三處苗米七升二合正

一田本處桃樹窠原計古租乙石正內抽八斗 上下俱至鄧宅田 左至黃宅園地塆 右至水坑及路爲界 苗米二升四合正

一田本處墩上類坵原計古租四石內抽出二石 東至鄧宅及思禮公田 南至義學田 西至鄧宅田 北至鄧宅田爲界

苗米陸升正

一田茅坪赤背下分洞前春坵併坵背壹坵原計古租二石正

南至蕭宅山脚 北至圳及邱宅田隨田塆轉出大路及溪坵

東至買主田塆脚西至文會田為界

一田茅坪墻下原計古租一石正 東至溪坵 西至高塆 上又

一小坵南至鄧姓田 北至圳頭及鄧姓田為界

以上二處內共抽七石二斗五升正

一田本坊墟上原計古租七石八斗 上至鄧姓田 下至梓材醮

田 左至鄧姓田 右至鄧姓田及邱姓田為界

一田本處屋背山下原計古租五斗正 上下左俱至鄧姓田

右至水坵為界 以上四處苗米一斗零六合五勺正

一田坐落下家坪前坵原計租米二石正 上至大路及黃姓田

下至黃姓田 左至藍姓山塆 右至溪坵為界

一田橫壠坵上原計租米一石五斗 上至鄒姓山及火崗水圳頭

下至賣者水田 左至大路及紹淇山 右至鄒姓山塆為界

一田張信地木家窠原計租米二石 上至賣者山塆 下至鄒子

玉水田 左至山塆 右至賣者山塆為界

二田屋角上坑而裏原計租米四斗 上至鄒姓醮田 下至賣者

田 左至水圳及大路 右至黃姓田為界

一田上墩謝家田原計租米五斗 上至馮姓田 下至水圳及大

路 左至水圳 右至鄒姓山塆為界

以上五處租米共計六石四斗正共載苗米乙斗九升貳合正

### 祭冬至與分芳名列后

盛松 文烈 文熊 文燾 文珏

文煨 文鏗 文諱 文鐸 文景

文會 文靖 文炳 文億 昌玠

昌鰲 昌泉 昌封 昌巖 昌炭

昌符 昌胙 昌達 昌基 昌坡

昌暹 昌貺 昌暄 昌栢 昌果

昌武

昌壑

昌鐸

昌益

昌鑑

昌嘯

昌啟

昌唐

昌鮪

昌驥

昌丁

昌枚

昌根

昌順

學賦

學淪

學文

學由

學資

學山

學修

學詞

尚騎

尚泰

尚懌

尚駿

共五十六股正

## 祭田志

祭之有田以永祭也秋霜春露誰無  
追遠之思而無田以供粢盛容有踰  
時不祭者矣我族祭田自始祖以下  
多寡不同其足備蒸嘗之需者胥裕  
如也世守而勿失匪獨廟之祀可似  
續古人卽寢之燕亦勿替引之矣故

志祭田凡屋宇山塲屬醮業者悉附

焉志祭田

# 植公醮業

西源公瑤公裔孫置買田畝列後

- 一田土名坐落顏家墩墓前計古租二石六斗正
- 一田坐落下坑計古租壹石三斗正
- 一田坐落嚴家坳計古租八斗正
- 一田坐落本處墩上王家坵計古租貳石五斗正
- 一田坐落本處坑上四方坵計古租四斗正
- 一田坐落屈井原計古租三斗正
- 一田牛壩嶺上窠計古租乙石二斗正
- 一田坐落本處門首前排計古租五斗正
- 一田坐落寺背下楊山計古租乙石八斗正
- 一田坐落寺背外處計古租八斗正
- 一田坐落西坊邱庄門首計古租三石正
- 一田坐落枯株墩員當坵計古租二石三斗正
- 一田臺前葫蘆坵計古租壹石二斗正



- 一田坐落坵上大禾坵計古租五斗正
- 一田坐落牛鼻嶺砂外大獻裏計古租一石正
- 一田坐落牛鼻嶺社下墩計古租一石三斗正
- 一田坐落新橋井邊坵計古租四石正
- 一田坐落西坊松樹下計古租六斗正
- 一田坐落橋下門首西塘埂計古五斗正
- 一田坐落牛鼻嶺長坵計古租一石三斗正
- 一田坐落本處車邊屈井計古租三斗五升正
- 一田坐落顏家墩五十坵計古租二石五斗正
- 一田坐落西坊坡尾計古租三石正
- 一田坐落老虎坑口計古租陸斗正
- 一田坐落坵上下窠計古租五石正
- 一田坐落楓源斗坵計古租八石正
- 一田坐落苦株墩計古租二石二斗正
- 一田坐落本處東坵計古租七石正

一田坐落西源門首古砵上每年納租錢貳百文  
共據古租叁拾捌石八斗五升正

## 梓材公醮業

一田坐落本坊門首路下計古租三斗五升正

一田坐落本坊門首橫坵計古租壹石貳斗

其田歷年允與昂公裔孫作秧田

一田坐落本坊門首下砂洲墘坵計古租乙石正

一田坐落本坊楊樹下計古租九斗正

一田坐落本坊坵上前排計古租五斗正

一田坐落本坊坵上屋場坵計古租五斗正

一田坐落本坊車邊坵尾屈井計古租七斗正

一田坐落本坊上坑口計古租壹石五斗正

一田坐落本坊李五墟計古租貳石正

一田坐落本坊車邊土橋頭車確壇計古租乙斗正

一田坐落本坊茅坪梨樹許計古租乙石五斗正

一田坐落本堡楓源倉坑計古租乙石正

一田坐落楓源蕭公塢計古租一石四斗正

一田坐落本處屋背山下圳塘計古租乙斗五升正

一田坐落本處坑上坂尾計古租一石八斗正

一田坐落本處茅坪廣寮背坑計古租乙石七斗正

嘉慶壬申年梓材公後裔續置產業

一田坐落牛鼻嶺竹子裏原計古租乙石五斗正 目今上至鄧宅

田 下至嚴宅田 左至嚴宅田園地 右至嚴宅田爲界

一田坐落本坊茅坪梨樹許原計古租乙石五斗正 目今上下俱

至鄧宅田 左至水坑 右至鄧宅及邱宅田爲界

一田坐落茅坪牆下原計古租五斗正

一田坐落清明墩原計古租三石正

一田坐落橋下車碓寮大路下原計古租乙石二斗正

一山本處楊竹埭

一山塲本處後龍長坵曠

一山本處竹窠左邊排

一山本處竹窠坳碗泥洞 裏排水圳上及水圳下共三片

一山本坊社公塚福綏公墳在此

一山本處具茶窠外排直下昭靈殿及將軍廟背

一本坊水口大窠二面排祖塚在中鼻

一山本坊水口溪背銅坑窠裏及石青窠鼻 梓材公及丁孺人墳

俱在此山內

一山本坊門前上東坵口路下季

一山本處桃樹窠左邊外排

一山本坊墓窠

一山本處上坵口左邊排連爐許棟

一山本處炉許坪及路下坪

一山本處下者墟及外排 公瑤公墳在窠內

其外排仙院公墳在此 上至巒頭頂 下至戴妣墳頭 墟外

左右俱至貳丈四尺為界其上下左右合族毋得侵害永行封禁

一山本處李五墟及李五長窠右邊非祖塚在山內

一山茅坪長窠祖墳山及前案山內 仙關公坟在此

一山本保坳上楮樹嶺裏外二片

一山本保水源黃峯巖 其山與水源饒姓相共大約作廿四分內

鄧該三分饒該十一分 後饒姓十一分內買三分與文卿名下

一園地坐落下楊樹下社公塆山脚田塆上乙片

一園地栗樹窠口王家坵田塆上乙片

一園地屋背三角坪乙片

### 美質公醮業

一田坐落好角上計租肆石正

一田坐落門首梭坵計租九斗正

一田坐落本處門前大路下中坵計古租乙石五斗正 其田四至

東至公塔公醮田南至昂公醮田西至昂公醮田北至嚴宅田

一田坐落橋下竹子下計古租三石正 上至鄧宅田 下至材公

田左至大路 右至大溪及鄧宅田爲界

一田坐落方坵計租二斗正

一山塲坐落坪支寮 四至上至橫路 下至及麻塘 左至小右  
及福紹公山 右至行鼻直上橫路直下麻塘角爲界

一食水圳坐落楊樹下山脚 厚公 球公田頭橫過透至黃塘裏  
花堂牆外

## 福厚公醮業

一田坐落楊樹下塘下原計古租乙石正 捐入祠內

一田坐落本處樓角上砂羅坵計古租

一田坐落本處土橋頭十五外坵計古租五斗正

一田坐落門首右邊沙上計古租乙石正

一田坐落楊下計古租乙石正

# 福球公醮業

- 一田坐落本處車邊好坵計古租二斗正外坵五升正
- 一田坐落本處糠樹下計古租乙石乙斗五升正
- 一田坐落門前路下四方坵計租五升正
- 一田坐落本處棍頭坪計古租八斗正
- 一田坐落屈坵原計古租貳石正
- 一田坐落門前計古租貳石正
- 一山坐落門前上窠
- 一山楓源屋背郎樹棟
- 一山坐落竹窠口 四至上至小金心頂 下至田塆 左至小塆  
右至及福綏公山為界
- 一山楓源背樹窠
- 一山屏背竹窠 上至行棟 下至窠心 左至勞塚及盛組公山  
右至小塆及文靖公山為界

一山本保山壠坑广小茶窠 其山上至高頂 下至大路 左至壠直上高頂直下行路 右至有心直上高頂隨窠心直下大路 爲界左窠广係晚公妣鄒孺人塚中壠係福球公墳

## 美雅公醮業

- 一田坐落本處門口下沙洲計古租五石五斗正
- 一田坐落本處門前梭坵下小坵內抽租壹斗正
- 一田坐落本處井塢上計古租四斗正 其田紀公將西坊坵內抽六斗換作屋基去訖 其田內抽出上小乙坵作租壹斗換與福宜爲花臺宜公將車邊橋頭乙小坵計租乙斗爲 雅公之醮
- 一田坐落本處墩上黃家坵計古租乙石五斗正
- 一田坐落本處墩上上沙洲計古租六斗五升正
- 一田坐落本處坑上嶺脚橋頭計古租乙石五升正
- 一田坐落本處茅坪墩秀才坵內抽古租四斗 捐入神牌
- 一田坐落茅坪赤背內抽古租二斗正



一田坐落本處茅厂計古租乙石五斗正

一田坐落橋下板墻坵計古租二石正

一田坐落儒家坪社公前大路下績筐坵計古租貳石五斗正

一田坐落本處屋背墻基上計古租二斗五升正

一田坐落本保楓山坵計古租乙石正

一田坐落本保楓源屋場坵計古租乙石正

一田坐落本保外屋門首大路下計古租乙石陸正

一田坐落本處路背率路下計古租四斗 今已磽荒

一田坐落木杓棟路上計古租六斗正

一田坐落本處門首砂羅坵計古租乙石正

一房屋坐落本處老祖廳右邊廳面中欄

### 福爵公醮業

一田坐落楓源椽樹下 內抽租貳斗正

# 盛茂公醮田

- 一田坐落坪上計古租乙石五斗 內有七斗五升正
- 一田坐落屋背長嶺頭計古租二石四斗 內有乙石二斗
- 一田坐落坡尾計古租貳斗正 內有乙斗

# 盛世公醮業

- 一房屋新廳下右邊前步乙欄
- 又坡上椒子坵內抽租乙石捐世公神牌

# 盛冑公醮田

- 一田坐落下坵計古租九石正 內抽三石正
- 一田坐落坡上王家區計古租三石正
- 一田坐落石龍橋橋下沙外首計古租貳石五斗正
- 一田坐落茅坪長窠口計古租乙石七斗正

一田坐落茅坪墩心計古租乙石二斗正

一田坐落西坊墩心乙坵

一田坐落茜塘裏石高凸壹坵

### 盛簡公醮業

一田坐落楓源上墩油榨坵計古租乙石正

### 福宜公醮田

一田坐落本處門首確坵計古租乙石乙斗正

一田坐落坑上磔下計古租乙石正

一田坐落門首四方坵計古租四斗正

一田坐落墟上瓦則墩計古租四斗正

一田坐落本處水口湛坵計古租二石五斗正 光緒壬寅年因鄉

變牽連眾將此處水田出賣與大源上坊嚴姓我學信公剖古囊  
贖轉撥歸醮內每年油秤頒豚肉貳觔

一田坐落溪墘計古租三石正

一田坐落嚴家坳磔墘計古租二石二畝正

一田坐落本處車邊內抽古租三畝 交上王坑

一園地坐落本屋花臺上二坪

一地基坐落本屋門口右邊乙坪

一山坐落上坡 上至高頂火崗 下至橫路 左至小塩土壕

右至大塩火崗直上高頂直下橫路為界

一山坐落屋背瓦窰後龍上 上至高頂 下至橫路 左至大

鼻 右至小塩為界

一山本處茅坪庵 上至高頂 下至圳塩 左至小塩石壁

右至行鼻直上高頂直下田塩為界

一山坐落掘刀窠 上至高頂 下至田塩 左至大鼻土壕

右至火崗為界

# 盛紀公醮田

- 一田坐落門前大南坵計古租三石正 撥入公神牌
- 一田坐落坡上三十坵計古租貳石正 目今東至盛世田 西至盛麒田 南至文接田 北至文衡田爲界 其田于道光壬辰年步元公將本處屋背山下原計古租二石正換與連三公衆爲醮業其三十坵換與步元公爲屋基去訖此二處尙未立對換約
- 一田坐落門前路下計古租乙石七斗正
- 一田坐落石膏背計古租六斗正
- 一田坐落曲井計古租八斗正
- 一田坐落磔下牽計古租三斗正 作生墳
- 一田坐落坪上屋橋頭計古租三石乙斗五升正
- 一田坐落坪上下分計古租三石三斗正
- 一田坐落牛鼻嶺門首三十坵計古租三石正 後因洪水崩壞歷年議定交租穀乙石五斗正
- 一田坐落坪上米灣坵原計古租三石正 其田三股輪值耕作
- 一田坐落新橋高家墟共計古租四石七斗正 其田于嘉慶壬申

年換與吳日忠架造房屋其房屋面議內抽右邊橫廳房屋三欄  
與盛紀公裔孫名下世世照管

一田坐落本處墟上門首園地計古租三石正

一田坐落本處墟上黃泥坵計古租乙石五斗正

一田坐落牛鼻嶺砂外大路下李家大坵計古租七石二斗正

一田坐落本堡楓源砂外王家坵計古租六石正

一田坐落牛場嶺上社下坵計古租乙石七斗正

一田坐落顏家墩鄒家坵計古租乙石二石正

一田坐落余家坪合同嶺計古租乙石乙斗正

一田坐落牛場嶺水尾季計古租乙石五斗正 其田于嘉慶丙子

年對換楊樹下田租九斗與 盛紀公爲醮業其水尾坪與長嶺

卓如兄弟去訖

一田坐落本處楊樹下社公廟左邊大路上原計古租乙石五斗正

其田于嘉慶戊寅年助入祠基

一田坐落楊樹下竹窠口計古租乙石正

- 一田坐落牛塱嶺余家壠計古租六斗正
- 一田坐落牛塱嶺門前下外魚池田原計古租乙石正
- 一田坐落牛鼻嶺竹仔下頭塹上計古租五斗正
- 一田坐落牛鼻嶺清明塹計古租三石正
- 一田坐落牛塱嶺竹子下計古租五斗正
- 一田坐落橋下前塹洋茜坑計古租五斗正
- 一田坐落橋下門首壠下計古租五斗正 捐入神牌
- 一田坐落廿埭計古租乙石二斗正
- 一田坐落楓源門首下大坵計古租五石八斗正
- 一田坐落楓源砂外掘土前計古租二斗正
- 一田坐落楓源張公坑計古租五斗正
- 一田坐落牛塱嶺清明塹長坵計古租三石六斗正
- 一田坐落楓源張公坑計古租五斗正
- 一田坐落清明塹計古租乙石二斗正
- 一田坐落本處車邊塹上塹上計古租二石乙斗

一田坐落楓源下排坑口計古租四斗正

一田坐落楓源坑裏計古租乙石八斗正

一田坐落楓源爛坑計古租乙石八斗正

一田坐落楓源灣坵計古租乙石正

一田坐落楓源楮樹下計古租乙石二斗正

一田坐落楓源桃樹下計古租五斗正

一田坐落楓源雙坑排計古租乙石正

一田坐落楓源門前土庫乙棟馬寮下菌地共計古租乙石正

一田坐落余家坪屋背茅灣計古租乙石二斗正

一田坐落楓源坑裏計古租二石乙斗正

一田坐落楓源老人冊計古租乙石正

一田坐落坵上許坑計古租七斗正

一田坐落坵上板樹坑計古租六斗正

一田坐落坵上許窠計古租七斗正

一田坐落茅蓬磔計古租乙石八斗正



- 一田坐落本處楊樹下井塢口計古租四斗正
- 一田坐落本處東坑尾計古租乙石二斗正
- 一田坐落本處山下原計古租乙石乙斗正
- 一田坐落本處楊樹下計古租乙石六斗正
- 一田坐落茅坪年塘計古租乙石正
- 一田坐落本處蘭許計古租乙石正
- 一田坐落西坊朝山陂計古租乙石五斗正
- 一田坐落本處坡上清明坵內抽租九科正
- 一田坐落本處門首細南坵計古租八斗正
- 一田坐落土橋頭蘆坵計古租乙石二斗正
- 一田坐落本處坡上王家坵計古租二石五斗正
- 一田坐落牛塢嶺下塘四十坵計古租二石四斗正
- 一田坐落茅坪屋角牽長柄坵計古租一石五斗正
- 一田坐落茅坪梨樹許坵上計古租五斗正
- 一田坐落茅坪墻下計古租五斗正

- 一田坐落碗窰上木杓塲計古租乙石八斗正
- 一田坐落下坵計古租九石正 內抽三石正
- 一田坐落碗窰上門首嶺邊菌地計古租二斗正
- 一田坐落牛塲嶺林家牽茅窠計古租乙石正
- 一田坐落本處楊樹下圳塲坵計古租乙石乙斗正
- 一田坐落本處楊樹下計古租乙石六斗正
- 一田坐落牛塲嶺下塘大路下原計古租三石六斗正
- 一田坐落牛塲嶺下塘溪邊計古租乙石正
- 一田坐落牛塲嶺下坑口陂區計古租乙石正
- 一田坐落牛鼻嶺橫坵橋計古租乙石八砵正
- 一田坐落牛塲嶺西山坵前排上窠口計古租乙石正
- 一田坐落下水埠大路下大坵原計古租三石正 歷年實納松毛粘貳石七斗正
- 一田坐落本堡水源下坪塲原計古租乙石二斗正 目今上至水圳及賣至田 下至鄧宅田 左至余宅田 右至水圳及鄧宅

田爲界

- 一田坐落本堡水源下坪塿原計古租二石六斗正 目今上至鄧宅田及大路 下至水圳及賣主田 左至水圳及余宅田 右至大路及鄧宅田爲界
- 一田坐落水源砂仔洋蛇鹿坑原計古租七斗正 目今上至饒宅醮田 下至水坑及戴宅田 左至饒宅醮田 右至戴姓田爲界
- 一田坐落下坵二坑計古租三石二斗正
- 一山塲坐落本處屋背竹窠 目今上至橫路 下至排脚及材公山 左至中心塲直上橫坪直下排脚 右至乾坑直上橫路直下隨旱坑排脚及梓材公山爲界
- 一山塲坐落木瓜窠 目今上至小排坪鼻 下至水坑 左至窠心水坑轉則排上至嚴姓山直下橫過及昌暹公山又及學餘山 右至長鼻轉小排坪鼻直下水坑及福綏公山爲界
- 一房屋坐落禾樓坵祖屋上廳右邊後步山欄地基在內
- 一地基坐落禾樓坵右邊橫街口二直地基乙欄

又禾樓坵左邊廳則簷下天井角左邊地基半欄  
一地基坐落學隆公土庫門前土名鄒家坪下地基乙欄 目今四  
至 上至尚喻地基 下至大路 左至行衙 右至文燾公地  
基爲界

### 福衍公醮業

- 一田坐落本處坡上額坵計古租二石正
- 一田坐落本處屋橋頭原計古租乙石五斗正 內有七斗五升正
- 一田坐落屋背長嶺頭原計古租貳石四斗正 內有乙石二斗正
- 一田坐落紅橋大砂坵計古租三石正
- 一田坐落茅坪下窠計古租七斗五升正
- 一田坐落本處油菜坵計古租乙石八斗正
- 一田坐落本處砂羅坵計古租四斗正
- 一田坐落本處竹窠口路上二坵路下乙坵計古租四斗正
- 又路下乙坵計古租七斗正

一山塲坐落具茶窠東至窠口橫過 西至高頂 左至貫三山  
右至長鼻及彩雲公穴左手為界

一山坐落屋角排 上至坪鼻 下至田塲 左至小鼻 右至長  
塲為界

一山坐落茅坪下窠 上至行棟 下至田塲 左至長塲直上高  
頂直下田塲 右至窠心直上橫棟直下田塲為界

一山坐落長窠口 上至橫坪自山金星 下至大路水圳 左至  
小塲及盛周公石壁嘴口 右至長塲直下小塲水圳盛猷公墳  
山為界

一山坐落茅坪下窠 上至高頂 下至田塲 左至蕭宅山  
右至衍公嶽山為界

### 文煥公醮田

一田坐落塲上上坑塲計古租五斗正

一田坐落茅坪前排計古租陸斗正

# 美昂公醮業

福隆公附

一田坐落本處長坵埭計古租乙石二斗正 外菌地在內 東至

祖屋明溝 南至自屋角 西至後龍荒坪脚 北至祖屋古砂嘴

一田坐落本處門首路下原計古租二斗正

一田坐落南頭計古租乙石七斗正

一田坐落本處楊樹下計古租乙石貳斗正 助作祠基

一田坐落本處石墘下計古租二石正

一田坐落本處門前坵上上窠計古租乙石八斗正

一田坐落本處門前南頭砂外株樹坵計古租乙石正

一田坐落祖屋古砂背下窠口圳下泉水坵計古租四斗正

昌寶公佃

一田坐落本堡坵上水口外上窠原計古租六斗正 內抽三斗

福綏公

一田坐落坪上坵尾計古租貳石正

一田坐落西坊坡心計古租壹石貳斗正 內有六斗美雅公

一田坐落坑上嶺脚下三角坵計古租一斗正

一田坐落本處門口路下四方坵計古租五斗正

一田坐落寺背沙外門前油菜坵共三坵又四方坵又三角坵七坵

共計古租五石六斗正 其糧收人一斗六升八合正 其糧吳

光耿光明出

一田坐落坪上墩尾栢相坵原計古租三石正

一田坐落屋橋頭原計古租叁石正

一田坐落烏鴉落墩原計古租三石正

一田坐落門前東坵陂頭共二坵計古租七石九斗正 其糧玉卑

除出五升七合正

一田坐落新橋井頭各井坵計古租四石四斗正 其糧城中邱汝

功名下除出乙斗三升二合正

一田坐落水口外雙草園計古租貳石正

一田坐落坪上墩尾共三坵原計古租三石正

一脫田坐落本處門首東坑下坵四方坵原計古租三石正

一買田坐落本處門首大南坵原計古租叁石正

一買田坐落本處竹窠口楊樹下原計古租乙石正

一買田坐落本處茅坪墩心原計古租乙石二斗正

一食水圳長坵塿古砂裏橫過透至下窠梓材公竹蔴塘上過及蛇形石橋下陂爲界

一房屋坐落老祖廳下右邊乙棟先年被烟燥地基乙片上廳左右前步併後步共計壹棟 東至天井 南至自屋明溝 西至長

坵塿坪脚 北至祖屋明溝

一房屋坐落新屋裏上廳左邊後步廳面乙欄 存畧

一山坐落本堡坵上水口外杉林塿

一山坐落本堡坵上水口外署窠

一山坐落楓源屋背五十壠圖心棟

一山坐落楓源門首留坑嶺外駢

一山坐落楓源水口外橫塿橋坵上畝 其山與楓源嚴乘林相共



一山坐落本處規下嶼裏窠 四至載約

一山坐落水口石青窠

一山坐落本堡下水埠水口對面桃樹窠 其山與上王坑楊貴興

公相共

一山坐落坪枝窠 與質公相共

一房屋地基坐落新倉下車門首乙欄 目今東至南頭土墻明溝

南至土墻明溝 西至橫過大路 北至下南頭石嶺為界

一房屋地基坐落鄒家坪下路外乙欄依尚照蘭地 東至空基

南至下南頭石嶺 西至橫過大路 北至尚照蘭地為界

一房屋地基坐落新廳下乙欄 東至橫過大路 南至傅希蘭地

西至尚照牛欄 北至尚照茨房為界

### 福恩公醮業

一田坐落上曲坵原計古租三石正

一田坐落門前東坑原計古租九斗正

一田坐落牛場嶺肥坵原計古租三石六斗正 歷年收津貼錢五

百零四文

一山場坐落爪窠

一山場坐落盧許坪

### 福綏公醮業

一田坐落本處坑上嶺脚下計古租三石正

一田坐落本處楓源墩上上塘計古租叁石二斗正 抽三石捐

大祠內

一田坐落本坊坵水口外上窠內抽租三斗正

一田坐落東坑墩計古租九斗正

一田坐落墟上上坑墩計古租七石正 捐大祠內

一田坐落梨樹嘴計古租八斗正

一山坐落標樹窠左邊排及右窠

一山坐落炉許坪左邊排

一山坐落杉樹窠左邊排

一山坐落瓜窠中心一大坪

### 福紹公醮業

一田坐落本處門首四十坵計古租二石正

一田坐落嚴家坵計古租乙石九斗正

一田坐落門前大路下及三角坵共計古租五斗正

一山坐落企山嶺橋外塚窠坪 目今上至高頂 下至大溪

左至塹嶼直下坪 右至塹嶼直下合坑口爲界

一山坐落坪桃樹窠左邊排下

一田坐落上屋背計古租二石正

一田坐落牛鼻嶺路上了坵

一山坐落平枝寮乙嶂

一山坐落大小窠乙嶂

# 盛名公醮業

- 一田坐落車邊原計古租乙石正
- 一山坐落蘆頭率 一山坐落王嶺下數頭排

# 盛傑公醮業

- 一田坐落寺背墻圍坵計古租四石五斗正
- 一田坐落本處塢上頹坵計古租二石正
- 一田坐落本處牛欄坑計古租六斗正
- 一田坐落坵上上窠塢計古租二石正 捐入神牌
- 一田坐落本處桃樹窠計古租五斗正
- 一田坐落本處水口外坪上曲坵原計古租叁石正
- 一山塲坐落本處蘆許窠
- 一山塲坐落本處坵許坪
- 一山塲坐落半窠黃墓窠共二片

### 文孚公醮業

- 一田坐落西坊墩計古租三石五斗正 內抽三石正
- 一山坐落黃嶺下

### 文典公房屋

- 一房屋地基坐落鄒家坪 東至橫過大路 南至大路 西至尙喻牛欄 北至盛紀公房屋地基為界

### 文燾公房屋

- 一房屋地基坐落本處大門外嶺下 東至學汲猪欄 南至大路及溝 西至大路及明溝 北至土墻為界

### 文鐸公醮業

- 一田坐落本處車邊績筐坵原計古租七石二斗正
- 一田坐落本處楊樹下原計古租七石六斗正

- 一田坐落門口坑口坪下大路下計古租二斗正 存眾
- 一山塲坐落茅坪廖細窠 一山塲坐落平枝寮半窠
- 一房屋坐落祖屋上廳右邊前步壹欄
- 一房屋坐落新屋下上廳右邊箱房壹欄
- 一房屋坐落新屋下下廳右邊前步乙欄
- 一房屋坐落下屋上廳右邊後步乙欄

## 文錡公醮業

- 一田坐落茅坪楊坑口原計古租乙石二斗五升正
- 一田坐落牛塲嶺下坑原計古租二石正
- 一田坐落牛塲嶺清明墩原計古租二石正
- 一山坐落碗窰上屋背 目今上至高頂 下至花臺及水圳  
左至福球公山 右至鄒宅墳堆爲界
- 一山塲坐落本處平枝寮左邊排
- 一山坐落本處炳許窠乙片

- 一房屋坐落祖廳右邊落厥廂欄廚房乙欄
- 一房屋坐落新屋下上廳左邊落厥廂房乙欄
- 一房屋坐落下岸下廳左邊後步乙欄

### 昌晟公醮業

- 一田坐落門首溪邊清明坵大坵 自耕 內歷年該交出租卅六斤
- 一田坐落瓦仔墩乙業 自耕
- 一田坐落門首石高突乙業 自耕
- 一田坐落犁嘴坡尾乙業 自耕

### 學文公田產

- 一田坐落牛鼻嶺下坑口烏石坵 自耕 內歷年該交鄒姓租四十斤 又該交李姓租貳拾四斤
  - 一田坐落門前溪邊清明坵下坵乙業 自耕
- 學文公此二處田契存學修公名下學隆手交出

嶺下醮產列後

公璇公醮業

一田坐落大杉嶺半嶺計租米二石正  
分丁餅出

一田坐落本境水口外廟前埤計租米二石二斗正

仙院公神王醮業

一田坐落本處寨許計租米二石正

一田坐落本處家梨樹下墻角坵計租米六斗正 又名秧田坵

一田坐落在石壩塢江郎墩計租米七石正 又名處壇色

一田坐落周坑坵嚴婆橋計租米乙石六斗正

一田坐落上嶺下交溪廟廟許前墩計租米乙石正

梓慶公醮業



一田坐落周坑三百畝計租米七石二斗正

一田坐落下嶺下埕角坵計租米二石正

一山坐落下嶺下前頭畚 梓慶公夫婦墳在內 上至高頂

下至溪墘 左至秀才窠 右至塩嶙為界

一山坐落秀才窠 上至軟坵塩 下至壠口 左至軟坵直下鼻

嶙 右至前頭塩

一田坐落周坑廟背併園地共計租米八斗正 東至廟背明溝

西至山墘及水圳 南至助人園地 北至黃永泰助田

其田於乾隆乙亥年三月經孫福榮盛華盛松文麟等撥與周隆

廟永克香火之資去訖

同治辛未歲六修族譜重新入神主醮田

一田坐落上嶺坊許門墘計租米乙石六斗正 上至鄧宅田 下

至黃宅田 左至鄧宅田 右至黃宅田為界 現佃本族學山

一出坐落白水礮下坑口吳家坵計租米貳石五斗正 上下左俱

至黃宅田 右至路為界 現佃馮鳳期

一田坐落白水磔上坂蝦蚣坵計租米壹石正 上下俱至黃宅田  
左至溪坑 右至鄒宅田爲界 現佃馮楨祥

一田坐落石塢塢門首嶺干計租米四石二斗正 上至鄒宅田  
下至溪 左至行路 右至坑溪爲界 現佃石塢塢眾

一田坐落本境下坂梨食坵計租米七石正 上至路 下至黃宅  
田 左至鄒宅田 右至大路爲界 今佃本族尙亨

一田坐落本境下坂義食坵計租米七石正 四至載明 上下左  
右俱至鄒宅田爲界 今佃本族尙亨

一田坐落本境泉水塘外窠計租米二石五斗正 皮骨交業 上  
至山塢 下至黃宅田 左至黃宅田 右至來水圳爲界

一田坐落本境火樹下計租米二石正城 上至山塢 下至黃宅  
田 左至鄒姓田 右至黃姓田爲界 今佃本族尙潞

一田坐落本境下赤計租米三石正 上至坑溪 下至黃姓田  
左至鄒姓及黃姓田 右至黃姓田爲界

# 美祥公醮業

福基公附

盛燭公附

- 一田坐落周坑葫蘆坵計租米三石正
- 一田坐落本處犁嘴坵計租米乙石四斗正
- 一田坐落本處梨嘴坵下分計租米三石正
- 一田坐落本處墓林下計租米乙石正
- 一田坐落本處六百坑計租米貳石正
- 一田坐落油榨下計租米壹石二斗正
- 一田坐落石墩上倉房門口計租米五斗正
- 一田坐落大門色計租米八斗正
- 一出坐落周坑大水坵計租米二石正
- 一田坐落本處店門口併店房計租米九斗正
- 一田坐落本處墩心計租米三石零六升正
- 一田坐落本處店坵計租米三石正

# 美祥公學田

## 美齋公醮業

- 一田坐落何坑壠門口七十坵計租米三石五斗正 交業
- 一田坐落塘角坵計租米二石正 交業
- 一田坐落周坑廟後計租米五斗正
- 一田坐落艾坑計租米乙石正 昌館佃
- 一田坐落魚家埕計租米乙石正 皮骨交業
- 一山坐落六百坑磔干中壠 目今上至荒田 下至三石坑壠口  
田 左至六百坑磔干買人田及黃姓田 右至三石坑直壠田  
爲界

## 美謀公醮業

- 一田坐落石壠壠八十中分計租米五石四正 其田苗米乙斗六  
升二合正預支糧去錢七千文正 以作歷年永遠完納之費
- 一田坐落本境坵下計租米貳石六斗正

### 福遠公醮業

- 一田坐落登坑計租米三石五斗正
- 一田坐落門前早禾坵二處相連計租米二石正
- 一荒田坐落六百坑 上至大蘭坪塆 下至三房山 左至福輝  
公山 右至盛梅公山為界
- 一山坐落規頭窠 上至橫路及鼻直下江宅山 下至圳 左至  
直鼻圳頭 右至江宅山為界

### 福輝公醮業

- 一出坐落周坑墩嚴婆橋計租米十石正
- 一田坐落本處溪塘計租米肆石正
- 一田坐落本處登坑計租米三石正 其田尾八斗出換與盛隆
- 一出坐落藍下長坵計租米三石正
- 一田坐落下婆坵乙半計租米五斗五升正
- 一田坐落登坑下分尾計租米

一田坐落藍下塩計租米壹石三斗六升正

一田坐落藍下長坵下分桶計租米壹石四斗正

一田坐落藍下塩尾計租米二石二斗正

一田坐落新堂上手竹林下計租米七石三斗正 架祖屋之餘外

乙小坵量租米貳斗正

一田坐落新堂上手早禾坵計租米八斗正

一田坐落新堂上手墻角坵計租米乙石五斗正 架自分樓屋外

量租米五斗正 以上數處內抽出租米約計五石正架造新屋  
去訖

一田坐落新堂頭洋担坵計租米七斗正架自分屋外量租米三斗

一田坐落上嶺下長窠裏庄邊計租米六斗正

一田坐落趙家墩計租米三石二斗四升正

一田坐落周坑江郎墩心計租米七斗正

一田坐落饒家排大塩棟腰帶坵計租米貳石五斗正

其田撥入育秀堂去訖 其所願拆錢若干歷年值祭人領

一田坐落本境家梨樹下計租米八斗正 皮骨交業

### 福輝公學田

一田坐落本處下坡砂坵梨樹坵計租米二石三斗正 黃顯泗佃

### 福輝公山塲房屋

一山坐落周坑石竹壠及麥西坑并竹林排

一山坐落蘿葡窠

一山坐落周坑石竹壠右邊白虎鼻尾七排 以上三分四至相連

一山坐落上嶺下禾坪後上前季 東至塲及田 西至田 南至

楊樹壠排脚 北至大路為界

一山坐落下嶺下磔干西邊排

一山坐落大杉嶺黃泥坵右邊排中心塲 東至田及大路 西至

田壠 南至田 北至高頂為界

一山坐落水口下壠秋六鼻 上至高頂 下至田 右至田

左邊裏至小鼻直下水田為界

一山坐落石壩塽乾田 上至塽頂 下至田 左至塽直下小鼻  
右至田爲界

一房屋坐落新堂祖廳左邊進步乙欄

一房屋新黃家下房外廳右邊下厰中間乙欄

一房新黃家下大廳上左邊棟柱裏乙欄

下房新廳上右邊進步乙欄

下房外廳二架下厰右邊巷口進步乙間

下房前廳第二架下厰中間乙欄

下房大廳上推間右邊宗牛分乙欄

下房正廳後堂右邊後步乙欄

下房外廳右邊第二架下厰前步乙欄

下房新廳下外左邊空坪中間乙間

下房空坪下左邊後步中間乙間

下房空坪下左邊溝邊進步乙間

下房右邊空坪橫廳下左邊前步乙間



桶黃下左邊後辰牛欄乙間

一店房乙棟過溪橋頭正中

又右邊上手猪欄并樓乙棟 四至載明 裏至石塆 外至大

路 左至本思仁公店房墻基 右至天章公倉房墻基爲界

另立契一紙契存學鑣手

一魚塘乙所祖屋對面過溪正中

塘北所餘空地乙橫並未專屬何家俱存眾

一新屋上聽右邊墻外耳門口及中聽耳門口橫聽一棟聽面一架

兩邊左右共計房屋五間地基係眾地

一新屋下聽右邊墻外耳門口墻下連至四間祖屋墻外左邊橫屋

右手墻外橫聽一棟正中廳面乙架兩邊左右直至共計房屋五

間地基係眾地

一新屋左邊坪頭牛欄猪欄共七間地基俱係眾地

一山坐落周坑外坪下乙半 上至界石 下至田塆 左至長

塆及界石 右至長鼻及界石 與福遠公房相共

一山坐落周坑廟後獻窠 上至學蓋山 下至昌境公山 左右  
俱至排脚 亦與福遠公房相共

### 盛華公醮業

一田坐落墩心計租米乙石正

### 盛生公醮業

一田坐落登坑併樓角墩計租米壹石正

### 盛松公醮業

一田坐落石壁棟蘿葡窠計租米壹石六斗正

一田坐落坵許煉并麥西坑上分計租米乙石二斗正

一山坐落堯樹坑

一山坐落梨樹壠 上至橫路及高頂 下至田 左至鼻嶺直下

田及嚴宅橫路下直下鼻尾直上橫路 右至長鼻直上高頂直  
下壠口及墻界

### 文煌公醮業

一田坐落上周坑水口外慈姑壩計租米乙石五斗正

### 文熊公醮業

一田坐落下嶺下蕪坑計租米乙石七斗五升正

一田坐落本處寨後計租米三石正

一山坐落陽公棟 上至塙 下至水田 左至長塙 右至長塙 及水田為界

一房屋坐落石墩上新樓下左邊後步中間倉房上下相連乙間

### 尚春公醮田

一田坐落聶坑計租米二石六斗正

### 盛梅公醮業

一田坐落高源塙上塚許計租米七石正

一田坐落上嶺下許門墩計租米乙石九斗正

一田坐落上嶺下嶺干砂下計租米五斗正

一田坐落上嶺下楊公塢塘广塢計租米四斗正

一田坐落上嶺下吳家山大排上計租米乙石正

一田坐落石塢塢門前排計租米貳石正城

一田坐落石鼻棟麥西坑計租米乙石二斗正

一田坐落石塢塢松樹下計租米三石二斗正

一田坐落周坑李基赤長壠計租米壹石六斗正

一田坐落周坑廟社前計租米四石正

一田坐落古樓均下坵計租米二石六斗正

一田坐落王公廟墩心秧勺坵計租米五斗正

一田坐落艾坑計租米二石正

一田坐落上嶺下广頭墩計租米四石 斗正 其田裔孫尙莘

尙楹經理

一田坐落本境赤下排計租米二石正

一地基新堂門前坪外地基壹所

一山坐落顏家塘嶺背黃茅窠并金錢壠相連二處 東至長埭直

下嚴宅墳 西至高頂長棟 南至賣主及鄒宅墳山直下水田

北至軟坳長棟爲界 其山與柞樹下嚴上高相共一半原存山

價一十千文在嚴上高分下以作歷年栽樹伺山之費

一山坐落上周坑後壠竹林排 東至壠心 西至路 南至壠廣

橫路 北至小壠外大有心土壕爲界

一山坐落周坑石鼻嶼大排下交壠鼻田塆下 上至田下至坑溪

左至田路 右至坑破尾田塆爲界

一山坐落本處三十坑 上至高頂 下至田 左至荒田及坟山

右至壠路爲界

一山坐落本處三十坑西邊平 裏至橫路田勘及買至山 外至

大壠直下三十坑口 上至行嶼 下至水田爲界

一房屋坐落新黃家下房祖廳右邊前步乙間

一房屋坐落新黃家新廳下左邊後步相連二間及中巷

# 文烈公醮業

一田坐落上嶺下窠口計租米二石五斗正

一田坐落本處長棟上計租米乙石五斗正

一田坐落本處楓下大坡塲計租米乙石乙斗正

一田坐落本處王枝埤計租米二石五斗正

一山坐落本處橫泥色左邊埤 上至橫路及昌圻山 下至壠口

左至長塲直上橫路直下石塲壠口 右至壠心直上昌圻山直

下壠口爲界

一山坐落裏頭窠杉樹山上分 上至橫棟高頂 下至壠橫小右

左至窠心直上高頂直出橫路右心 右至嶼直上高頂直下鼻

橫過小右心爲界

## 昌遵公夫婦醮田暨學莊公

一田坐落坪尾計租米三石三斗正

一田坐落周坑王泥坡計租米三石正

一田坐落石塩嶼老人坑計租米七石正

一田坐落上周坑磔干毗連計租米七斗正

一田坐落上嶺下長窠裏計租米四石零五升正

一田坐落泉水塘計租米九斗正

一田坐落上周坑門前并過溪計租米貳石四斗正

一田坐落下坡鄧家庄計租米貳石五斗正

一田坐落上嶺坊官路邊路下計租米貳石五斗正 又路上一處

計租米壹石三斗正 其出尙莘尙楹兄弟經理續置

一田坐落本處後坑計租米二石正

一田坐落嬌婆坑下分計租米七石五斗正

### 文燮公醮田

一田坐落塚窠排計租米二石四斗正

一田坐落曲樹下計租米貳斗正

# 福榮公醮業

一田坐落周坑坵塘坵計租米四石五斗正

一田坐落嶺下下墩四方坵腰帶坵大門首秧田窟裏坵共計租米  
三石二斗正

一田坐落本處下婆坵內乙半計租米五斗五升正 昌誼佃

一田坐落本處羨瓢坵內計租米三斗正 學膳佃

一田坐落本處下墩坵裏坵計租米三石正 學任佃

一田坐落本處六百坑樟樹下計租米乙石正 文瑜佃

一田坐落本處新堂門首左邊楊担坵計租米壹石正

一房屋坐落新堂祖廳左邊後坎乙欄

# 福榮公學田

一田坐落下嶺下下墩南山下又

一田坐落黃竹坵二處共計租米乙石八斗正

一田坐落本處島壩窠計租米乙石八斗正



### 盛縉公醮業

- 一房屋新黃家下房祖廳右邊巷中右邊中欄乙欄
- 一房屋新黃家下房祖屋門前右邊空坪溝邊牛欄乙欄

### 盛賢公醮業

文朗公附

- 一房屋新黃家下房新廳左邊後步乙欄

### 鴻公醮業

- 一田坐落嚴婆橋松樹下計租米五石五斗正 皮骨交業
- 一田坐落嶺下下坡六十坵計租米乙石正
- 一田坐落本處樓下行路坵計租米貳斗正
- 一園地坐落本處樓下園地并魚塘架造倉房乙棟去訖
- 一園地坐落本處樓下花臺下園地乙片

### 文王公山場

一山場坐落本處黃壩磔詹家山四至契內載明

### 文珠公醮田

一田坐落嶺下許塘計租米貳石二斗正

一田坐落本處下壠計租米貳石三斗正 學秦佃

### 昌龍公醮業

一田坐落上周坑門首計租米乙石三斗正

一田坐落本處六百坑計租米貳石正

一田坐落周坑廟前排外分計租米乙石五斗正

一田坐落熾婆坑計租米二石五斗正

一田坐落周坑廟前排計租米三石正

### 盛桂公醮業

一田坐落嶺下六百坑桃樹窠計租米乙石八斗正昌開內有八斗

一園地坐落本處樓下花臺下園地乙片

### 盛楫公醮業

- 一田坐落嶺下下坡雲源坵計租米壹石五斗正
- 一田坐落本處下坡株許山魚家排共計租米二石正
- 一田坐落泉水塘計租米七石二斗正
- 一田坐落本處艾坑計租米二石正 黃世谷佃
- 一田坐落山下門首計租米七斗正

### 文瑜公醮業

- 一田坐落嶺下寨許艾坑口計租米二石四斗正
- 一田坐落本處許塘計租米二石正
- 一田坐落本處前山埭計租米二斗五升正
- 一田坐落本處赤下排計租米三斗正
- 一田坐落本處前窠埭計租米三斗正
- 一田坐落石塢嶼石樓下計租米二石五升正

# 育英義學設立規條序

聖朝治化覃敷文教昌明甄陶士類凡遐方僻壤俱設有學嘉慶己未王  
 春月吾族倡立義學誠為培育人才之至計也而自辛酉至庚辰以  
 迄道光辛巳族人靡不踴躍樂捐由是積累愈大倡置田畝必擇董  
 事持重者善為經理吾族之為義亦勤矣今咸豐己未距嘉慶己未  
 蓋六十載冬十一月合族新設規條以定西席膏伙之費歲科賓興  
 之資即援例報捐者亦有所給此其所以預計大育之者誠為有條  
 即後之英賢繼起憑藉有基亦奮興為易將來義益明學益盛必有  
 以大吾族而報

國家者庶無負育英之意也夫

時

咸豐九年歲次己未十一月

吉日

浩然謹序

倡首 文熊  
調元

輔理糾成首事

昌塹  
學由

勸理首事

昌夏  
昌鐸

# 義學規例列明

- 一 童蒙子弟讀書者每議館金壹千文
- 一 凡讀半年者每議館金伍百文下半年進館照此若上半年進館下半年不讀者下半年館金要本童父母自出付育英眾照出
- 一 開講講書者每議館金叁千文
- 一 做破題破題承者每議館金肆千文
- 一 做起講起股者每議館金伍千文
- 一 成文者每議館金捌千文
- 一 已經入泮後有志上進毋論從師寄課者每議館俸捌千文
- 一 經補廩志在科甲往鰲峯書院從師寄課者每備學俸壹拾陸千文 此二行必實在從師寄課不準哄騙妄支如有哄騙妄支加倍罰
- 一 縣考每條錢貳千文
- 一 府考每條錢貳千文

一院試每備錢貳千文

一入泮者每備錢叁拾千文

一補增者每備錢貳千文

一補廩者每備錢貳拾陸千文

一歲科考試取一等第一名者獎賞錢伍千文

一縣府考案元及進案元者獎賞錢陸千文

一大比之年無論正科或恩科赴鄉試者每備錢貳拾千文或

恩科正科兼行只算壹次不得以兩科並行藉口多索

一恩貢歲貢附貢每備錢叁拾千文

一逢考優考年拔分有能才學可克者優拔者即郡考費錢貳十千

文正 照赴鄉試例

一取定優貢拔貢者每備錢肆十千文

一中副舉人者每備錢五十千文

一中正舉人者每備錢陸十千文

一恩拔優歲貢生及正副舉人進京者每備錢七十千文

一 捐監元者每帮錢壹十仟文

一 捐從九品者每帮錢捌千文

一 捐縣丞州判者每帮錢乙十二千文

一 捐州同布政理問者每帮錢乙十六千文

一 軍功賞六七品者每帮錢一十仟文

一 貢舉以上及雜職掛匾者每帮錢陸仟文

一 規有未議及者俟後再酌加

一 既立規條既有司事每歲正月必司事邀同族長酌請傅師計定子弟人數及早擇取吉日起館不得遲悞荒廢輕視其事或族中自有先生免以人多爭攔

### 育英義學膳田

一 田坐落冊林排計租米二石五斗正

一 田坐落上坊色排計租米乙石二斗正

一 田坐落上坊榜上色排官田坵乙石二斗正

- 一田坐落上墩山架計租米肆石零五升正
- 一田坐落老人坑計租米三石七斗正
- 一田坐落壠埭上計租米七石五斗正
- 一田坐落上磔干計租米壹石正
- 一田坐落赤下排計租米貳石正
- 一田坐落王支排計租米貳石正
- 一田坐落艾坑計租米貳石正
- 一田坐落樓角墩計租米二石四斗正
- 一田坐落黃石墩二處共計租米乙石八斗正
- 一田坐落墩心蛋塘坵計租米捌斗正
- 一田坐落員石墩計租米壹石陸斗正
- 一田坐落藍下計租米二石正
- 一田坐落石板橋計租米五石五斗正
- 一田坐落中坑許坑尾計租米三石正
- 一田坐落本境處華干田坵計租米四石正



一田坐落大杉嶺王磔壠計租米二石七斗五升正

育英義學與分領豚肉芳名臚列於左

盛梅 叁劬正

盛楫 壹斤拾貳兩

文熊 叁斤肆兩

文琦 貳斤捌兩

文麟 壹斤十貳兩

文煥 貳斤二兩

文燮 二斤拾貳兩

盛桂 乙斤二兩

文玉 二斤

文瑜 乙斤拾二兩

文通 乙斤

文烈 二斤四兩

文熙 拾四兩

昌夏 十二兩

昌壘 乙斤十二兩

昌鐸 三斤二兩

昌鏡 二斤

昌彤 乙斤四兩

昌圻 乙斤二兩

昌龍 乙斤十二兩

昌恩 乙斤二兩

昌雯 乙斤

昌居 乙斤

昌河 十兩

昌崑 十兩

昌儀 八兩

昌運 八兩

昌舜 八兩

學由 三斤捌兩

學九 乙斤二兩

學鎮 乙斤二兩

學燕 十兩

學禮 乙斤

學焰 乙斤

學憲 乙斤七兩

學攸 八兩

尙昇 乙斤十二兩

尙南 乙斤二兩

以上共三十八股 共豚肉伍十陸斤玖兩正

西源下渠醮業列後

美便公醮業

- 一田坐落碗窰上門口楊樹排計租米乙石六斗正
- 一田坐落本處車邊坡广計租貳石正

盛楊公醮業

- 一山坐落屋背竹窠左邊排中分 上至長塢及梓材公山塢  
下至排脚 左至古路荒坪角 右至小塢及梓材公山塢爲界
- 一園地坐落西源禾坪上計二片
- 一房屋坐落祖廳左邊廳面中欄壹欄
- 一房屋上頭廳左廳面後步第貳欄壹欄
- 一房屋庄下外廳右廂房乙欄

卷五方譜

中華民國庚辰年八月修